

四庫全書

史部

欽定四庫全書

欽定大清一統志卷一百七十八

史部

侍講學士_臣羅國俊覆勘

總校官檢討_臣何思鈞

氣


肉

府

固

西安府圖





西安府表

西	安府	長安縣
漢	京兆尹	長安縣
三國魏	雍州京兆	長安縣
晉	雍州京兆	長安縣
後漢周	雍州京兆	長安縣
隋	京兆郡	長安縣
唐	京兆府京	長安縣
五代	京兆府永	長安縣
宋	京兆府京	長安縣
金	京兆府路	長安縣
元	奉元路	長安縣
明	西安府	長安縣

秦置內史
漢建都景
帝分為左
右內史武
帝更名屬
司隸校尉
後漢末改
置雍州

郡

郡

郡

京兆郡

京兆府京

京兆府永

京兆府京

京兆府路

奉元路

西安府

漢高帝置
京兆尹治

郡

郡

郡

京兆郡

京兆府京

京兆府永

京兆府京

京兆府路

奉元路

西安府

咸寧縣			
奉明縣	漢宣帝置 屬京兆尹 後漢廢	杜陵縣	秦置杜縣 宣帝更名 屬京兆尹
		杜陵縣	杜陵縣
		杜陵縣	初更名杜 城後復
萬年縣	周移置與 長安同為 郡治	杜縣	更名屬京 兆尹周廢 入萬年
大興縣	開皇三年 更名	霸城縣	移京兆郡 治此周郡 徙廢縣
萬年縣	初復名唐 治乾封初 廢	武德二年	復置並陽 縣七年仍 廢入
萬年縣	梁曰大年 唐復		
樊川縣	宣和七年 更名		
咸寧縣	改名		
咸寧縣	路治		
咸寧縣	府治		

<p>南陵縣</p> <p>漢文帝置 屬京兆尹 後漢省</p>	<p>咸陽縣</p> <p>右扶風 秦內史地 武帝分屬 右內史又 改名後漢 徙</p> <p>渭城縣 秦孝公建 都置咸陽 縣漢更置 屬京兆尹 後漢省</p> <p>長陵縣 漢高帝置 屬左馮翊</p>
	<p>長陵縣</p>
	<p>廢</p>
<p>山北縣</p> <p>魏置屬京 兆尹</p>	
	<p>咸陽縣</p> <p>武德元年 移置屬京 兆尹</p>
	<p>咸陽縣</p>
	<p>咸陽縣</p>
	<p>咸陽縣</p>
	<p>咸陽縣</p>
	<p>咸陽縣</p>
	<p>咸陽縣</p> <p>洪武二年 移治屬西 安府</p>

後漢屬京兆尹	安陵縣	漢惠帝置屬右扶風	後漢仍屬扶風郡	陽陵縣	舊名戈陽漢景帝置名屬左馮翊後漢屬京兆尹	平陵縣	漢昭帝置屬扶風	興平縣	
				陽陵縣		始平縣	改置		
				秦		始平縣	屬始平郡	稱秦移置	始平縣
						始平縣	屬扶風郡	西魏移郡	永治
						始平縣	改屬京兆		
						興平縣	屬京兆府	景龍四年更名金城至元二年久改	
						興平縣			
						興平縣			
						興平縣			
						興平縣			
						興平縣	屬西安府		

縣潼臨	
<p>右扶風 後漢移治</p> <p>槐里縣 秦曰廢却 高祖更名 屬右扶風 後漢屬右 扶風治</p> <p>茂陵縣 武帝置屬 右扶風</p>	<p>新豐縣 秦驪邑縣 高帝置縣 屬京兆尹</p>
<p>槐里縣</p>	<p>新豐縣</p>
<p>始平縣 秦始三年 置</p> <p>槐里縣 郡治</p>	<p>省</p>
<p>真君中廢</p> <p>槐里縣 屬扶風郡</p>	<p>新豐縣</p>
<p>廢</p>	<p>新豐縣</p>
<p>昭應縣 天寶三年 置會昌縣 旋改名屬 京兆府</p> <p>新豐縣 唐初更名 慶山 神龍初復 曰新豐天 寶七年省</p>	<p>昭應縣</p>
<p>昭應縣</p>	<p>昭應縣</p>
<p>臨潼縣 大中祥符 八年更名</p>	<p>臨潼縣</p>
<p>臨潼縣</p>	<p>臨潼縣</p>
<p>臨潼縣</p>	<p>臨潼縣</p>
<p>臨潼縣 屬西安府</p>	<p>臨潼縣</p>

<p>縣陵高</p> <p>左馮翊</p> <p>秦內史地</p> <p>漢武帝分</p> <p>為左內史</p> <p>太初元年</p> <p>更名後漢</p> <p>建安初改</p>	<p>櫟陽縣</p> <p>左馮翊後</p> <p>漢徙萬年</p> <p>安治屬馮</p> <p>翊郡</p>
	<p>萬年縣</p>
	<p>萬年縣</p> <p>北郡</p> <p>改置屬京</p> <p>七年省太</p> <p>和十一年</p> <p>復周廢</p> <p>屬京北郡</p>
<p>馮翊郡</p> <p>復移治後</p> <p>廢</p>	<p>櫟陽縣</p> <p>景明初置</p> <p>屬馮翊郡</p> <p>北郡</p> <p>鄭縣</p> <p>太和二十</p> <p>二年置屬</p> <p>馮翊郡後</p> <p>廢</p>
	<p>萬年縣</p> <p>改置屬京</p>
<p>州</p> <p>府後屬華</p> <p>入屬京北</p> <p>八年仍省</p> <p>栗邑更名</p> <p>二年更名</p> <p>置平陽縣</p> <p>韓陽又折</p> <p>改萬年為</p> <p>武德和復</p>	<p>櫟陽縣</p> <p>櫟陽縣</p>
	<p>櫟陽縣</p>
	<p>櫟陽縣</p> <p>屬京北府</p>
	<p>櫟陽縣</p>
	<p>至元初省</p>

涇陽縣

池陽縣
漢惠帝置
屬左馮翊

池陽縣

池陽縣
郡治

池陽縣
惠帝移置
涇陽縣

扶風郡
移治

晉末石趙
置石安縣
屬秦州
秦州屬
陽縣

咸陽郡

石安縣

池陽縣
屬咸陽郡

池陽縣
屬咸陽郡

太平真君
七年省
屬咸陽郡

明和復置

雲陽縣
移置屬北
地郡
屬咸陽郡

廢

涇陽縣

廢石安縣
移置屬京
兆郡

涇陽縣
屬京兆府

涇陽縣

涇陽縣

涇陽縣

涇陽縣

涇陽縣

涇陽縣
屬西安府

雲陽縣
蘇郡屬京
兆郡

雲陽縣
貞觀初更
名池陽

雲陽縣
唐屬雍州

雲陽縣

雲陽縣

雲陽縣
屬京兆府

至元和省

年復大授
二年置縣
州大足初
廢屬雍州

<p>縣 屋 蓋</p>	<p>縣 原 三</p>
<p>縣 屋 蓋 漢置屬右扶風後漢</p>	<p>池陽縣地</p>
<p>縣 屋 蓋 復置屬扶風郡周徙萬置恒州並廢</p>	<p>三原縣 太平真君七年置屬北地郡永安初改置建忠郡周廢郡</p>
<p>縣 屋 蓋 屬京北郡</p>	<p>三原縣 屬京北郡</p>
<p>縣 屋 蓋 屬雍州大興初更名宜壽至德二載復故乾寧中屬乾州天和初改屬鳳翔縣</p>	<p>三原縣 武德四年更名池陽六年改曰華池又分置三原縣貞觀元年仍省入復改華池曰三原屬京北府</p>
<p>縣 屋 蓋</p>	<p>三原縣 唐屬雍州</p>
<p>縣 屋 蓋</p>	<p>三原縣</p>
<p>縣 屋 蓋 貞祐四年州廢屬奉元路</p>	<p>三原縣</p>
<p>縣 屋 蓋 屬西安府</p>	<p>三原縣 至元二十四年移置仍屬耀州府</p>
<p>縣 屋 蓋</p>	<p>三原縣 弘治四年改屬西安府</p>

省	頻陽縣 秦縣漢屬 左馮翊	醴泉縣	耀州
	頻陽縣		北地郡
	頻陽縣	池陽縣地	北地郡
郡尋廢	土門縣 景明初改 置屬北地	寧夷縣 屬咸陽郡 西魏置寧 夷郡周改 寧燕郡後 廢	北地郡 開皇初廢 郡大業初 廢州義寧 二年置置 七年廢景 明初復置 永熙初兼 置北雍州 西魏改置
	土門縣 大業初廢 義寧二年 復	醴泉縣 開皇十八 年更名屬 西魏置寧 夷郡周改 寧燕郡後 廢	
	美原縣 初屬雍州 貞觀十七 年廢咸亨 二年改置 縣屬宜州	醴泉縣 武德初省 析置溫秀 縣貞觀中 省溫秀復 置屬雍州 後屬乾州	北地郡 開皇初廢 郡大業初 廢州義寧 二年置置 七年廢景 明初復置 永熙初兼 置北雍州 西魏改置
	美原縣 梁改雍州 曰裕州唐 廢州屬耀 州	醴泉縣 唐還屬京 兆府	耀州 梁改崇州 唐復名
	美原縣	醴泉縣 政和八年 屬醴州	耀州 屬永興路
	美原縣	醴泉縣 屬乾州	耀州 屬京兆府
省		醴泉縣	耀州 屬承九路
		醴泉縣 萬曆三十 六年改屬 西安府	耀州 屬西安府

同官縣	
役初縣 漢景帝置 屬左馮翊 後漢初廢 永元九年 復	投初縣北
泥陽縣 僑置郡治	廢
泥陽縣	
泥陽縣 宜州通川 郡 太平真君 七年省景 明初復州 郡治	銅官縣 太平真君 七年置屬 北地郡周 徙
華原縣 開皇六年 更名屬京 北郡	同官縣 更名屬京 北郡
華原縣 屬雍州 拱二年更 名大安尋 為宜州治 神龍初復 名華原屬 雍州後為 耀州治	同官縣 屬雍州
華原縣	同官縣 梁屬同州 唐屬耀州
華原縣	同官縣
華原縣	同官縣
至元初省 入州	同官縣
	同官縣

欽定四庫全書

大清一統志卷一百七十八

西安府

陝西省治東西距三百五里南北距四百三十八里東至華州界一百六十里西至乾州

武功縣界一百四十五里南至商州鎮安縣界一百六十里北至鄜州宜君縣界二百七十八里東

南至商州界二百里西至漢中府洋縣界三百六十里東北至同州府白水縣界二百七十里西

北至乾州永壽縣界二百里自府治至京師二千六百五十里

分野天文東井分野鶉首之次

星躔分野書自井九度至十三度為西安

府分野

建置沿革禹貢雍州之域周武王都此為鎬京東遷

後屬秦後亦為都邑

史記秦本紀德公初居雍獻公徙治櫟陽孝公作咸陽徙

都之始皇時置內史

漢書百官表內史周官秦因之掌治京師地理志京兆尹左馮

翊右扶風故秦內史

漢元年項羽分置雍塞二國

章邯為雍王王咸陽

以西司馬欣為塞王王咸陽以東至河及翟國為三秦

尋皆併於漢二年改

為渭南河上中地三郡

渭南即京兆河上即左馮翊皆塞國地中地即右扶

風雍國地

五年定都於此九年罷郡復為內史景帝二

年分為左右內史

按史記及漢書百官表皆作景帝二年分地理志作武帝建元

六年分顏師古注
據史記以表為正
武帝太初元年改右內史為京

兆尹

三輔決錄注京大
也天子曰兆民

左內史為左馮翊

漢書百
官表注

張晏曰馮輔也翊佐也
決錄注馮馮也翊明也

主爵都尉為右扶風

漢書
百官

表主爵中尉秦官景帝中六年更名都尉武帝太
初元年更名右扶風治內史右地注張晏曰扶助
也風謂之三輔統於司隸校尉後漢遷都洛陽置
化也

雍州於此尋罷州以三輔屬司隸如故

潘岳關中
記三輔舊

治長安城中長吏各在其縣治民光武東
都之後扶風出治槐里馮翊出治高陵

建安中

復置雍州三國魏改京兆尹為太守仍屬司隸晉

初仍置雍州治京兆郡

時扶風移治池陽後廢馮翊移治臨晉今同州府界

建興後歷為劉聰石勒苻健姚萇赫連勃勃所據

後魏亦曰雍州京兆郡

時郡移治霸城

永熙三年遷都於

此是為西魏後周明帝二年改雍州刺史為牧京

兆郡守為尹隋開皇二年建新郡三年罷尹復置

雍州大業三年又改州為京兆郡置尹唐仍隋都

唐書地理志初曰京城天寶元年曰西京至德二載曰中京上元二年復曰西京代宗元年曰上都

武德元年復改郡曰雍州貞觀元年為關內道治

舊唐書地理志天授元年改
雍州為京兆郡其年復舊
開元元年改曰京兆

府二十一年置京畿採訪使天祐初遷都洛置佑

國軍節度使於此五代梁政府曰大安軍曰永平

後唐復為西京京兆府晉罷京置晉昌軍漢改曰

永興軍周因之宋仍曰京兆府永興軍節度為陝

西路治熙寧後為永興軍路治金皇統二年置總

管府為京兆府路治元初亦曰京兆府中統三年

置陝西四川行省治此

至元二十三年

至元十六

年改京兆府為安西路總管府皇慶元年又改為
奉元路明洪武元年改曰西安府九年為陝西布

政使司治

本朝為陝西省治領州一縣十五

長安縣

附郭治府西偏東西距二十七里南北距一百九十里東至咸寧縣界二里西至咸

陽縣界二十五里南至商州鎮安縣界一百六十里北至涇陽縣界三十里東南至咸寧縣界三里

西南至鄠縣界四十里東北至高陵縣治七十里西北至咸陽縣界三十里秦咸陽縣地漢高帝五

年置長安縣為京兆尹治後漢因之晉為京兆郡治後魏屬京兆郡後周復為郡治隋因之唐為京

北府治五代梁改曰大安後唐復曰長安宋金因之元為奉元路治明為西安府治 本朝因之

咸寧縣

附郭治府東偏東西距四十八里南北距二百八十里東至臨潼縣界四十五里西

至長安縣界三里南至商州鎮安縣界二百五十里北至高陵縣界三十里東南至藍田縣界五十里西南至長安縣界五十五里東北至高陵縣界三十五里西北至涇陽縣治七十里本周杜伯國漢置杜陵霸陵等縣屬京兆尹後漢因之晉改霸陵曰霸城與杜陵並屬京兆郡後魏以霸城為京兆郡治改杜陵為杜城屬焉後周明帝二年分置萬年縣與長安並治京城建德二年省霸城杜城二縣入之隋開皇三年改曰大興為京兆郡治唐武德初復曰萬年天寶七載改為咸寧縣乾元元年復曰萬年五代梁改曰大年後唐復曰萬年宋仍為京兆府治宣和七年改曰樊川金又改為咸

寧縣泰和四年廢入長安尋復置元為咸陽縣府在奉元路治明為西安府治本朝因之

西北五十里東西距五十里南北距五十八里東至長安縣界二十五里西至興平縣界二十五里南至鄠縣界二十里北至涇陽縣界三十八里東南至長安縣界二十五里西南至藍屋縣界三十里東北至涇陽縣界四十里西北至醴泉縣界四十里本秦國都孝公始徙此後因之漢高帝元年更名新城七年罷屬長安元鼎三年更名渭地屬右扶風後漢省晉咸和中後趙置石安縣苻秦兼置咸陽郡後魏移郡於涇水北以縣屬之隋廢入涇陽縣唐武德元年復置咸陽縣屬雍州五代宋金因之元屬奉元路明興平縣在府西一百里屬西安府本朝因之東西距七十里南北距六十里東至咸陽縣界二十五里西至乾州武功縣界四十五里南至藍屋縣界二十五里

北至醴泉縣界三十五里東南至咸陽縣界三十里西南至武功縣界四十五里東北至咸陽縣界三十里西北至醴泉縣界四十里本周大邱邑秦曰廢邱漢為槐里茂陵平陵三縣地俱屬右扶風後漢以槐里為右扶風治三國魏改平陵曰始平晉初併茂陵入始平於槐里置始平郡後魏太平真君中郡廢二縣俱屬扶風郡西魏以始平為郡治隋省槐里以始平縣屬京兆郡唐天授二年改屬稷州大足元年還屬雍州景龍四年改曰金城至德二載又改曰興平五代宋金因之元屬奉元路明屬西安府

臨潼縣

在府東少北六十里東西距六十二里南北距一百

本朝因之

十五里東至渭南縣界四十七里西至咸寧縣界十五里南至藍田縣界三十五里北至富平縣界七十里東南至藍田縣界六十里西南至咸寧縣界二十五里東北至同州府蒲城縣界九十五里

西北至高陵縣界三十里春秋驪我國秦為驪邑
漢高帝七年置新豐縣屬京兆尹後漢因之晉屬
京兆郡後魏及隋因之唐垂拱二年改曰慶山天
授二年屬鴻州大足元年還屬雍州神龍元年復
曰新豐天寶三載析置會昌縣七載省新豐改會
昌曰昭應五代因之宋大中祥符八年改曰臨潼
金因之元屬奉元路明高陵縣在府東北七十里
屬西安府本朝因之高陵縣東西距三十五里
南北距三十里東至臨潼縣界十五里西至涇陽
縣界二十里南至咸寧縣界二十里北至三原縣
界三十里東南至臨潼縣界二十里西南至咸寧縣
縣界十五里秦置高陵縣漢屬左馮翊為左輔都
尉治後漢為左馮翊治三國魏改曰高陸屬京兆
郡晉因之後魏復為馮翊郡治隋大業二年復曰
高陵屬京兆郡唐天授二年屬鴻州大足元年還

屬雍州五代宋金因之元屬奉鄠縣在府西南七
元路明屬西安府本朝因之

四十五里南北距五十五里東至長安縣界三十
里西至藍屋縣界十五里南至長安縣界二十里

北至咸陽縣界三十五里東南至長安縣界四十
里西南至藍屋縣界三十里東北至咸陽縣界三十

十里西北至興平縣界二十里本夏時虜國秦為
鄠邑漢為鄠縣屬右扶風後漢因之晉屬始平郡

後魏太平真君七年改屬京北郡隋因之唐屬京
兆府五代宋金因之元屬奉元路明屬西安府

本朝因之藍田縣在府東南九十里東西距一百七十
里南北距一百九十里東至渭南縣

界一百二十里西至咸寧縣界五十里南至商州
鎮安縣界一百四十里北至臨潼縣界五十里東

南至商州界七十五里西南至鎮安縣界二百里
東北至渭南縣界五十里西北至咸寧縣界四十

里秦置藍田縣漢屬京兆尹後漢因之晉屬京兆郡後魏太平真君七年併入霸城縣太平十一年復置仍屬京兆郡周閔帝於縣置藍田郡武帝時省郡隋屬京兆郡唐屬京兆府五代宋金因之元屬奉元路明屬西

涇陽縣

在府西北七十里東西距五十七里南北距六

安府

本朝因之

十五里東至高陵縣界二十五里西至醴泉縣界三十二里南至咸陽縣界十五里北至邠州淳化縣界五十里東南至長安縣界四十里西南至咸陽縣界十五里東北至三原縣界十五里西北至淳化縣界六十五里漢惠帝四年置池陽縣屬左馮翊後漢因之晉初為扶風郡治苻秦又析置涇陽縣後魏徙咸陽郡治池陽以涇陽屬焉後周廢池陽縣隋開皇初郡廢以涇陽縣屬雍州唐天授二年改屬鼎州大足元年還屬雍州五代宋金因之元至元二年併入高陵三年復置屬奉元路明

屬西安府
本朝因之

三原縣

在府北九十里東西距四十里南北距六十三里東至

高陵縣界三十里西至涇陽縣界十五里南至涇陽縣界八里北至富平縣界五十五里東南至高

陵縣界二十里西南至涇陽縣界十五里東北至富平縣界六十里西北至邠州淳化縣界五十里

漢池陽縣地後魏太平真君七年置三原縣屬北地郡永安元年於縣置建忠郡後周建德初郡廢

隋屬京兆郡唐武德四年改曰池陽六年又改曰華池仍分置三原縣屬泉州貞觀元年省三原縣

改華池曰三原天授二年屬鼎州大足元年還屬雍州五代唐屬耀州宋金元因之明嘉靖初改屬

西安府
本朝因之
盤屋縣 在府西南一百六十里東西距一百五里南北距二百九十里

東至鄠縣界六十五里西至鳳翔府郿縣界四十里南至興安州石泉縣界二百四十里北至乾州

武功縣界五十里東南至鄠縣界五十里西南至漢中府洋縣界二百里東北至興平縣界五十里西北至武功縣界三十里漢置藍屋縣屬右扶風後漢省後魏復置屬扶風郡後周置周南郡兼置恒州及倉城溫湯二縣尋並廢隋屬京兆郡唐武德三年屬稷州貞觀元年屬雍州天授二年又屬稷州大足元年還屬雍州天寶元年改曰宜壽至德二載復故乾寧中改屬乾州天復初改屬鳳翔府五代及宋因之金貞祐四年陞為恒州元初州廢縣屬奉元路明屬西安府本朝因之渭

南縣在府東少北一百四十里東西距五十六里南北距二百里東至同州府華州界二十三里西至臨潼縣界三十三里南至商州界一百四十里北至同州府蒲城縣界六十里東南至商州界南縣界一百五十里西南至藍田縣界七十里東北至同州府大荔縣界五十五里西北至富平

縣界六十里漢新豐縣地符秦始皇置渭南縣後魏孝明帝改置渭南郡及南新豐縣西魏廢帝二年又改縣曰渭南後周郡廢隋屬京兆郡唐武德元年改屬華州五年屬雍州天授二年於縣置鴻州大足元年鴻州廢還屬雍州五代周顯德三年改屬華州宋熙寧六年省入鄭縣元豐元年復置仍屬華州金元因之明萬曆中

富平縣

在府東北一百二十里東

改屬西安府

本朝因之

西距七十里南北距八十里東至同州府蒲城縣界四十里西至三原縣界三十里南至臨潼縣界二十里北至同官縣界六十里東南至渭南縣界四十里西南至三原縣界三十里東北至蒲城縣界九十里西北至耀州界四十里秦置頻陽縣漢屬左馮翊後漢因之三國魏徙置富平縣於此屬北地郡頻陽仍屬馮翊郡晉因之後魏景明元年改頻陽置土門縣與富平俱屬北地郡西魏移北

地郡治富平後周改曰中華郡尋罷隋大業初廢
土門入富平屬京兆郡義寧二年復置土門縣唐
初二縣俱屬雍州貞觀十七年廢土門縣咸亨二
年復以故土門置美原縣天授二年二縣俱屬宜
州大足元年還屬雍州天祐二年於美原縣置鼎
州五代梁改裕州後唐廢裕州二縣俱屬耀州宋
因之金廢富平縣入美原元省美原復置富平縣
仍屬耀州明萬曆三十六年改屬西安府本朝

因醴泉縣

在府西北一百二十里東西距六十三
里南北距一百里東至涇陽縣界五十

里西至乾州界五里南至興平縣界二十五里北
至邠州淳化縣界八十里東南至興平縣界三十
里西南至乾州武功縣界四十里東北至涇陽縣
界五十里西北至乾州永壽縣界六十里秦谷口
邑漢置谷口縣屬左馮翊後漢廢晉為池陽縣地
後魏置寧夷縣屬咸陽郡西魏兼置寧夷郡後周

改郡曰寧秦後廢隋開皇十八年改縣曰醴泉屬京兆郡唐武德中省貞觀十年復置天授元年屬鼎州大足元年還屬雍州乾寧中改屬乾州五代後唐同光中還屬京兆宋政和八年改屬醴州金屬乾州元因之明萬曆三十六年改屬西安府

本朝因之

耀州

在府北一百三十里東西

距六十里南北距二十三里東至富平縣界十里西至邠州淳化縣界五十里南至富平縣界三里北至同官縣界三十里東南至富平縣界七里西南至三原縣界二十里東北至同官縣界十五里西北至邠州三水縣界九十里漢置稭祠縣屬左馮翊後漢初廢永元九年復置三國魏廢稭祠僑置泥陽縣兼置北地郡晉因之後魏太平真君七年併泥陽入富平縣景明元年復置仍屬北地郡永熙元年兼置北雍州西魏廢帝三年改州曰宜州又改郡曰通川隋開皇三年郡廢六年改縣曰

華原大業三年州廢縣屬京兆郡義寧二年於縣置宜君郡唐武德初曰宜州貞觀十七年州廢屬雍州垂拱二年改曰永安縣天授二年又置宜州大足元年州廢還屬雍州神龍元年復曰華原天祐三年以縣置耀州五代梁貞明元年改曰崇州後唐同光元年復故宋亦曰耀州華原郡屬永興路金屬京兆府路元至元初以州治華原縣省入屬奉元路明屬西安府本朝初因之雍正三年改為直隸州十三

同官縣

在府北一百八十里東西距九十里南北距一

年仍屬西安府

百十里東至同州府蒲城縣界五十里西至耀州界四十里南至耀州界五十里北至鄜州宜君縣界六十里東南至富平縣界三十里西南至耀州界五十里東北至蒲城縣界六十里西北至宜君縣界五十里漢祿祔縣地後魏太平真君七年置銅官縣屬北地郡隋曰同官屬京兆郡唐武德初

屬宜州貞觀十七年屬雍州天授二年屬宜州大足元年仍還雍州五代梁改屬同州後唐改屬耀

州宋金元明因之本朝
雍正十三年改屬西安府

形勢金城千里天府之國

漢書張良傳

被山帶河四塞以

為固

婁敬傳

汧隴以東商洛以西厥壤肥饒所謂陸

海之地

東方朔傳

踐華為城因河為池

漢賈誼過秦論

左據函

谷二嶠之阻表以太華終南之山右界褒斜隴首

之險帶以洪河涇渭之川

班固西都賦

風俗文王作豐武王治鎬故其民猶有先王之遺風

好稼穡植五穀地重於為邪及漢都長安四方輻

輳地小人衆故其民益玩巧而事末

史記貨殖傳

雍州

土原水深其民厚重質直無驕情浮靡之習以善

導之則易以興起而篤於仁義

朱子詩傳

城池西安府城

周四十里高三丈門四東曰長樂西曰安定南曰永寧北曰安遠濠深二

丈廣八丈本隋唐舊址唐末匡國軍節度使韓建
改築明洪武初都督沐英增修本朝順治十三

年康熙元年乾隆六年二十八年俱重修又城內
東北隅有城周九里門五即故秦藩城本朝順

治六年改築以
居八旗駐防

咸陽縣城

周九里有奇門五南濱
渭河東西北有濠廣三

大明景泰三年築嘉靖二十六年拓
東西北三面 本朝乾隆四年重修
興平縣城 周

里有奇門四隋大業九年築
本朝乾隆十八年重修
臨潼縣城 周五里門
四明洪武

初因舊址重築 本
朝乾隆五年重修
高陵縣城 周四里有奇門四
濠深二丈五尺明

景泰初因隋舊址增築
本朝乾隆十八年重修
鄠縣城 周六里有奇門
四四面有濠金

大定二十三年築 本朝康熙
二十年乾隆十一年俱重修
藍田縣城 周四里
有奇門

四西南隅水門一嘉靖二年因舊
址拓築 本朝乾隆十七年重修
涇陽縣城 周五
里有

奇門四四面有濠元末因舊址改築明成化
崇禎間增修 本朝乾隆二十七年重修
三原

縣城 周九里有奇門四水門二北臨清河東西南
三面有濠廣五丈元至元二十四年築明初

郭周四里有奇門四崇禎中又增築東郭周二里

有奇門二 本朝乾隆十一年二十五年俱重修 藍屋縣城 周五里有奇門四濠廣三

丈五尺 本朝康熙元年因舊址重築十七年增修乾隆十三年重修 渭南縣城 周

里有奇門四濠深一丈五尺明嘉靖三十五年因舊址拓築隆慶初甄覺 本朝雍正七年乾隆十

四年俱重修 富平縣城 周三里門四元末創築明嘉靖末重築 本朝康熙元年乾隆

十七年重修 醴泉縣城 有內外二城內城周二里許門四元末築明成化四年增築東

西南三面外城周六里有奇門四濠深二丈廣倍之 本朝乾隆十三年重修 耀州城 周

里門四濠深一丈明景泰中增築 本朝乾隆十八年重修 同官縣城 周四里有奇門

四濠深一丈明嘉靖中築
本朝乾隆十八年重修

學校西安府學

在府治東南二里宋元舊址明成化九年重建本朝順治十年重修入

學額數
二十名

長安縣學

在縣治東府學西舊在治西明成化九年遷此本朝順治八

年重修入學
額數十五名

咸寧縣學

在縣治南府學東舊在治西明成化七年遷此本

朝康熙三年重修
入學額數十五名

咸陽縣學

在縣治西舊在治西南明洪武四年遷近

渭水後又遷此
經修葺入學額數十二名

本朝屢

興平縣學

在縣治西明洪武四年建

本朝順治十五年重
建入學額數十五名

臨潼縣學

在縣治北明洪武二年建本

朝康熙四十二年重
建入學額數十五名

高陵縣學

在縣治北宋紹聖初建元中統二年

重建 本朝屢加修葺 郭縣學 在縣治西舊在縣南門外明洪武七年移

此 本朝屢加修葺 藍田縣學 在縣治南明洪武入學額數十五名 十年建 本朝順

治十年重修入 涇陽縣學 在縣治西南明洪武二學額數八名 年建 本朝順治五年

修入學額 三原縣學 在縣治西北元大德十年建數十五名 本朝康熙中兩修入學額

數二 盤屋縣學 在縣治東明洪武四年建 本朝十名 順治康熙年間屢加修葺 入學

額數十 渭南縣學 在縣治東明洪武二年建 本朝五名 朝順治康熙年間屢修入學額

數十 富平縣學 在縣治東明洪武三年自舊縣移五名 建於此 本朝康熙中兩修入學

額數十 醴泉縣學 在縣南門內宋皇祐中建於舊五名 縣治東南明洪武四年移今治

東弘治十年遷此 本朝屢
耀州學 在州治北明
經修葺入學額數十五名 洪武二年建

本朝屢經修葺
入學額數八名 同官縣學 在縣治東南明洪武
八年建 本朝屢經

修葺入學
額數八名 正學書院 在府治西南宋儒橫梁張子
講學處元建書院後廢明弘

治九年提學副使楊一清復建李東陽有記 本
朝康熙年間重修又闕中書院在長安縣治東南 本

明萬曆三十七年布政使汪可受等為邑人馮從
吾建後祀 本朝康熙二年重修臨潼縣橫渠書

院在縣治東南康熙三十七年建乾隆三年重修
又驪山書院在驪山下高陵縣景槐書院乾隆二

十六年建鄠縣二曲書院在縣西南三里康熙中
邑人王心敬為其師李顥建涇陽縣瀛洲書院乾

陽六年建三原縣學古書院在縣治西北元延祐
七年邑人李子敬建蕭萼有記明弘治嘉靖萬曆

中屢次修建 本朝乾隆十四年知縣陳一元修葺又縣治北有宏道書院明弘治九年建邑人王承裕講學處渭南縣渭陽書院乾隆二十六年建耀州文正書院在州北二里舊明德寺明嘉靖二年改建書院祀宋范仲淹 本朝乾隆二年重修各州縣並設有義學社學 按咸寧縣有魯齋書院在縣東北元延祐中奉元路臣為許衡建後廢今名其地為書院坊臨潼縣有居善書院在縣學西元工部尚書趙公諒建歐陽元有記高陵縣有渭上書院在縣南元延祐初建又有涇野書院明時建藍田縣有瀛洲書院在縣治南唐學士李元通建芸閣書院在縣治北五里宋呂大臨建明弘治中知縣任文獻俱曾重修三原縣有嵯峨書院明邑人光祿卿馬理講學處提學唐龍有記藍屋縣有集賢書院在縣治倉右明嘉靖中知縣李春芳何起鳴相繼修建渭南縣有五鳳書院富平縣有

新城書院在縣西明嘉靖九年知縣劉希簡建同
官縣有崇正書院在縣東北一里舊頻山寺明嘉
靖八年改建今
並廢附記於此

戶口

原額人丁一百五萬四千零七十八又滋生人
丁共二千一百四十二屯丁七萬八千六百

田賦

田地一十一萬四千七百七十一頃六十二畝
五分八厘零額徵地丁銀五十三萬七千六百

五十三兩八錢九分六釐零糧六千九百二十四
石四斗七升七合零更名地一千四百三頃二

十二畝七分一釐零額徵銀六千三百七十九兩
一錢三分六釐零糧三萬六千六百八十八石二

斗六升
五合零

山川終南山

在府城南五十里西自鳳翔府郿縣入
境連亘盤厓縣界及長安咸寧四縣之

南又東抵藍田縣界書禹貢終南惇物詩秦風終
南何有有條有梅左傳昭公四年晉司馬侯曰中
南九州之險也漢書東方朔傳南山天下之阻也
其山出玉石金銀銅鐵豫章檀栢異類之物不可
勝紀此百工所取給萬民所仰足也潘岳關中記
終南一名中南言在天下之中居都之南也蕭德
言括地志終南山一名中南山一名太一山一名
周南山一名地肺山一名楚山一名橘山一名秦
山在萬年縣南五十里柳宗元終南山祠記終南
西至褒斜界又西至於隴首以臨于戎東至於商
顏又東至於太華以距於闕其物產之厚器用之
出則璆琳琅玕夏書載焉紀堂條梅秦風咏焉宋
敏求長安志終南山東自藍田縣西入萬年縣界
石鰲谷南北與長安縣分界東西四十里又南山
在長安縣南七十里連乾祐縣界又藍屋縣南山
去縣三十里程大昌雍錄終南山橫亘關中南面

西起秦隴東徹藍田凡雍岐鄠鄠長安萬年相去
八百里連綿峙峴其南者皆此一山胡三省通鑑
注關中有南山北山自甘泉連延至商嶺為南山
自終南及太白連延至商嶺為北山又鄠縣志鄠
山隨地異名皆終南也逵者去城三十里近可二
十里藍田縣志在縣西南七十里此山連亘千里
至此而盡按明統志又有太一山在終南山南
二十里連亘秀特上插雲霄通志在府城西南八
十里有太乙峯太乙谷太乙池考漢志太乙即終
南在武功李善注文選以西京西征二賦終南太
乙並稱明非一山然不言在長安此
蓋後人因其地有太乙祠而立名也
龍首山在長安縣
北接咸寧縣界三輔黃圖未央宮因龍首制前殿
廊道元水經注龍首山長六十餘里頭于渭尾達
樊川頭高二十丈尾漸下高五六丈土色赤而堅
山即基闕不假築高出長安城括地志山首出在長

安故城中自漢築長安城及營宮殿咸以堙平其餘即今宮城之太倉以東是也李吉甫元和郡縣志山在長安縣北十里西京賦所云疏龍首以抗殿也李好文長安圖記山之餘尾城南皆已堙平陂陀北出復見於唐大安宮東西橫亘迤邐而去今宮城及內苑後牆含元殿臺一帶俱在山上下去平地可六七尺咸寧縣志龍首原起終南義谷徑可數十武蟠曲西北行漸行漸濶杜陵鴻固鳳樓諸原皆

五臺山

在咸寧縣南五十里終南山麓亦曰南五臺延袤十許里有奇

峯終南山佳麗之處惟此為最又有北五臺山在耀州東三里五山並峙頂如平臺東曰瑞應南曰

紫極西曰昇仙北曰顯化中曰齊天山有石洞曰太原洞相傳思邈隱居處其下有洗藥池黃麓

山在興平縣北一里亦名驪山在臨潼縣東元與黃山即始平西原也藍田縣藍田山相

連亦作麗山史記秦本紀始皇葬驪山漢書地理志新豐驪山在南水經注魚池水出麗山東又麗戎之山一名藍田其陰多金其陽多玉始皇貪其美名因而葬焉括地志驪山在新豐縣南十四里其陽即藍田山唐書地理志天寶元年更驪山曰會昌七載更會昌山曰昭應樂史太平寰宇記驪山在昭應縣東南二里溫湯出其下三秦記曰始皇作閣道至驪山八十里人行橋上車行橋下今石柱猶存山上立祠名曰露臺長安志山在臨潼縣東南二里驪戎來居此山故名縣志山在縣南里許綿亘而東五十餘里山之左有東繡嶺右有西繡嶺唐明皇時植花木如繡故名又有玉蓋峯在東繡嶺之東

肺浮山 在臨潼縣驪山東一曰浮肺水經注冷水出肺浮山蓋驪山連麓而異名也

金斧山 在臨潼縣南二十五里石隙中有斧今尚存

慶山 在臨潼縣東南

唐書五行志垂拱二年九月己巳新豐露臺鄉有山湧出高二十丈有池周三百畝池中有龍鳳之

形米麥之異武后以為休應名曰慶白雲山在鄠縣長安志在臨潼縣東南三十五里

與縣治相對其東有蓮花山蓮花東雞頭山在鄠南有華陽谷谷中最高者曰將軍山

南崔鴻十六國春秋秦苻生欲西上隴山士卒散盡遂入雞頭山元和志在鄠縣東南三十一里縣

志俗呼小良餘山在鄠縣西南六十里又有子房武當山在縣東南九十里中有黃石

洞相傳子牛首山在鄠縣西南山海經牛首之山房辟穀處

十三里南接終南在上林苑中西京賦中繞黃山而款牛首是也縣志在華陽谷東南層山萬仞有

小洞起於其下宛若牛伏藍田山在藍田縣東漢山之東又有黃柏峪山

書地理志藍田

山出美玉水經注霸水出藍田縣藍田谷所謂多王者也括地志驪山即此山之北阜元和志藍田

山一名玉山一名覆車山在縣東二十八里窠宇記郭緣生述征記云山形如覆車之象後魏風土

記云山巔方二里仙聖遊集之所劉雄鳴學道於此下有祠甚嚴霸水之源出此又西有尊盧氏陵

次北有女媧氏谷長安志阜兒山在藍田縣東六

山在藍田縣東南三十里一禽止此山人疑為鳳因

名鳳兒山訛作阜兒山在藍田縣南漢書繞峽關踰蕢山擊秦軍藍田南元和志

在縣東南二十五里縣志在縣南十里七盤山在田縣南十里亦曰七盤嶺唐書尚可孤傳朱泚之

難可孤率兵道襄節而西屬賊兵銳乃壁七盤長安志七盤山在縣南二十里又縉坡在縣東南杜佑通典曰七盤十二縉藍關之險路也舊志七盤

山延亘綿遠西接終南東通商洛險峻迂迴唐貞元初商州刺史李西華自藍田至內鄉開道七百

里即處嶢山在藍田縣南二十里舊志亦謂

金山

在藍

田縣北四十里上有金山神祠長安志謂在縣南十里疑誤

王順山

在藍田縣東南二十

里舊圖經曰昔道人王順隱此山得道因名

嵯峨山

在涇陽縣北東入三原縣界西入邠

州淳化縣界本名嵯峨山亦作嵯藥山漢地理志池陽嵯薛山在北水經注鄭渠故瀆東逕嵯薛山

南元和志嵯峨山一名嵯薛山在雲陽縣東北十里東西二十五里南北二十里山上有雲必雨常

以為候又在三原縣西北六十里窠宇記嵯薛山自雲陽縣界連亘三原縣一名慈峨山王褒雲陽

宮記東有慈峨山今土人謂之嵯峨山黃帝鑄鼎於此山涇陽縣志嵯峨山在縣北四十里東抵青

谷西抵冶谷亘二十里上有三峯最東者曰鉢孟
臺歲旱禱之多應中峯曰大臺峯頂有仰天池冬
夏不涸西峯有石窟深五六里有風從內出三原
縣志山在縣西北四十里山西南屬涇陽西北屬
淳化東南
仲山 在涇陽縣西北山北屬邠陽淳化
屬縣界
甘泉至中山晏溫有黃雲焉又溝洫志鄭國鑿涇
水自中山西顏師古注中請曰仲即今九峻之東
仲山也水經注鄭渠東逕中山南俗謂之仲山括
地志山在雲陽縣西十五里窠宇記雲陽宮記云
宮南三十里有仲山未詳古之何山山有竹箭生
焉俗言高祖兄仲所居今山有仲子廟積旱祈之
闡此射獵則風雨暴至廟有一泉未嘗水竭長安
志小仲山在雲陽縣西北四十里縣志仲山在縣
西北七十里山東北接嵯峨西麓中隔冶谷西南
連九峻山涇河逕其中山半有泉曰小獅泉山麓

有坪曰

石蛇山

在涇陽縣西北窠宇記古石蛇在雲陽縣西北四十里縣志石蛇山

在縣西北七十里臨江潭上以浮山在三原縣石有類蛇首故名鄭巖在其下北二十里堯

門山

在三原縣西北括地志堯門山俗名石門在三原縣西北三十二里上有路其狀若門故

老云堯鑿山為門因名之武德中於山南置石門縣縣志堯門山在縣西北四十里按邠州三水

淳化二縣界有石門山乃秦獻公與晉戰虞與此山名同地異胡三省注通鑑引括地志此文誤唐

書地理志雲陽石樓山在盤屋縣東南三十七里有堯山疑即此石樓山在盤屋縣東南四十里五峯聳峙自

樓觀五福山在盤屋縣東南四十里五峯聳峙自山北而南鳥道縈紆可通漢中府洋縣

黑鳳山

在盤屋縣西南駱谷東二里又西靈臺山在南有安樂山又西南五里為韋谷

在渭南縣東南其西二里有曹谷長安志靈臺山
在縣東南三十五里曹學佺名勝志山頂方平故
以臺名縣志靈臺山稍西而低者有半截山又入
黃狗峪折而東南有山二曰南月圓北月圓清水
河逕其中南月圓山四面懸崖僅通一徑
山巔有池曰仰天池池旁有田千餘畝

鳳凰山

有二一在渭南縣東南曹峪西
三里一在醴泉縣東北四十里

倒虎山

在渭南縣東南接藍

田縣界十六國春秋王嘉隱於東陽谷石虎亂遷
於倒虎山元和志倒獸山一名元象山在渭南縣

東南五十里王子年隱處也橐宇記倒虎山在藍
田縣覆車山北長安志在渭南縣東南三十七里

渭南縣志山在鳳凰山南其谷曰倒獸谷亦曰大
谷谷之西又有小谷山按法苑珠林謂渭南縣南

山倒豹谷崖有懸石文狀倒豹即
此諸志或作倒獸皆避秦諱耳

石鼓山

在渭南縣西南

十里澗水所出元和志澗月窟山在富平縣北四十里山巔有泉

深數仞旱荆山在富平縣西南書禹貢荆岐既旅又渠岍及岐至於荆山孔安國傳

此荆在岐東非荆州之荆漢書地理志襄德禹貢北條荆山在南下有彊梁原帝王世紀禹鑄鼎於

荆山在馮翊懷德之南今其下有荆渠隋書地理志富平有荆山括地志荆山今名掘陵原元和志

在縣西南二十五里明寶金山在富平縣東北三統志在縣西南十里

月窟山頻山在富平縣東北水經注頻陽城北有東六里

地理志華原有頻山元和志美原縣西北十一里有頻山秦厲公於山南立縣故曰頻陽後魏別立

土門縣以頻山有二土門狀似門故曰土門長安志山在美原縣界十八里縣志山在縣東北七十

里南麓有泉西北麓一小山陡出曰堡
子山之北麓為十尺崖壁立百仞
明月山在富

平縣東北寰宇記在美原縣西北二十里耀州志
在富平縣東北七十五里與同官縣鰲背山接下

有勾谷澗縣志山出白土如銀
又出泔泥同官磁器以此為之
玉女山在富平縣東北寰宇

記在美原縣西三十五里
又耀州西北亦有玉女山
玉鏡山在富平縣東北

縣西北十里耀州志玉女山東
為玉鏡山又東為大小石谷澗
金粟山在富平縣東北又東

為石疊山萬斛山接白水蒲城界長安志金粟山
石疊山在美原縣北十五里又萬斛山即在縣東

北二十里耀州志玉鏡山東北為金粟山山有靈
泉寺寺後為靈泉山之左有碧雲洞靈泉山東

為萬斛山山下有三泉谷澗又東為石疊山又東
接蒲城縣境縣志石疊山一名樓子山東為大

水峪峪東為萬斛山山北二十里為熨斗坪其北十里有岳山又東為石陂峪入蒲城縣界

龍

泉山

在富平縣西北十五里山有五泉湧出

天乳山

在富平縣西北二十五里見寰

宇記兩峯相對類於乳形縣志檀山北二里為天乳山天乳山東南一里為龍泉山按耀州志云

土門山兩峯環抱形如兩乳接富平縣西北境疑即此

檀山

在富平縣西北二十五里長安

志在縣西北三十里檀山旁為邑子山有馬跑泉

錦屏山

在富平縣西北三十五里山巔

有王翦廟亦名將軍山旁為高陽峯縣志錦屏山東南十里為蟠桃山折東北三里為老君山南有

鐵牛洞又北三里為左眼山其東二里為石窩山又東二里為底店山又東八里為龍眼山下有藥

泉谷多

紫金山

在富平縣西北五十里一名虎頭山

武將山

在醴泉縣北唐

藥草

書地理志武將山一名馮山在醴泉
東北十八里縣志在縣北三十里
無勞山 在醴泉縣

北五十里相近
又有高峯山
承陽山 在醴泉縣北窠宇記承陽山石泉所出三輔黃圖所

謂浪水是也長安志山在縣西
北七十里縣志在縣北六十里
九峻山 在醴泉縣東北漢書

地理志谷口縣九峻山在西班固陰都賦冠以九
峻張衡西京賦九峻甘泉涸陰沍寒魏書地形志

寧夷縣九峻山隋書地理志醴泉有九峻山元和
志在縣東北二十五里唐書地理志在縣西北六

十里窠宇記山高六百五十丈周迴十五里按郡
國縣道記云九峻山東連仲山西當涇水出處故

謂之谷口縣志山在縣東北五十里有
九峯峻嶒山之南麓即咸陽北坂也
覆甌山 在醴泉

泉縣東北五十里與九峻岡隴相接又清峯山
亦在縣東北五十里又龜山在縣東十五里
芳

山

在醴泉縣東北六十里唐書地理志醴泉縣有芳山

磬玉山

在耀州東五里山出青石

叩之鏗然有聲唐天寶中取為磬郊廟樂皆用之

風孔山

在耀州東長安志風孔山安君

山皆在華原縣東五里州志磬石山之東為安君山又東為風孔山山有穴風從中出又東為將軍

山王翦祠在焉

寶鑑山

在耀州東十里相傳年豐則山有光如鑑州之得名以此樹子

山

在耀州北長安志在華原縣北四十里又把樓山在縣北四十五里州志唐家堡東五里為笠

子山又東南為石泉山樹子山把樓山把樓即把樓之訛

三石山

在耀州北長安志在華原

縣北六十八里州志山在天活堡東十里三峯突兀山麓有奇峯洞洞中滴水成泉謂之天漿土

門山

在耀州東南接富平縣界元和志土門山在華原縣東南四里耀州志五臺山石洞南三

里有山自東而西者為東乳山亦名落星原自西而東南者為西乳山兩山環抱州城形如兩乳漆沮水會於

山下從山隙中出又名鶴鵲谷俗謂之岔口出谷口即富平縣西北境蓋即土門也按魏書地形志土門縣

有土門山元和志亦云頻山有土門狀如門後人疑頻山即土門然頻山在美原西北土門在華原東南水經注元和志等書分注甚明蓋頻山或兼土門之目而華原之土門在今州東南與富平縣接界不得混為一山也

牛耳山

在耀州西北十八里兩山東西相並狀如牛耳又北六十里為木門山有上中下三木門山坂相去

各三

大唐山

在耀州西北七十里折而東北為金圭山又折東南為鳳翼山一名車蓋山其西即邠州

淳化

石門山

在耀州西北八十里分水嶺西北與邠州之三水淳化二縣接界詳見邠州

文王

山

在同官縣西六十里又西為武王山與耀州

飛仙山此

在長安志文王山在縣西四十里

在同官縣南三十里有飛仙洞俗傳葛稚川昇仙處又南為鳳皇山又南為充窩嶺稍南金牛嶺相傳唐太宗射

虎馬欄山在同官縣北三十里按晉書北地都尉張光處馬欄山蓋白水縣之馬欄山州志

謂即此石盤山在同官縣北三十里與富平縣萬斛山相接山有石形如盤地志在同

官縣北南里許蜿蜒聯亘數十里三泉山在同官縣東南三十里與耀

州將軍山相接又東為鰲背山長安志三泉山在同官縣治西南上有白馬

在同官縣西南三十里上濟陽山在同官縣治西北狀有白馬廟山南接耀州界虎頭山在同官縣治西北狀

於其麓亦名虎踞山下有水潤山在同官縣西北十里清湧不竭引流經縣治中里中有一石每潤則雨

一曰聖女華山在同官縣西北窠宇記女華夫人祠在縣北三十里女華山上高峯秀出

每風雷多從華嶽至此故老傳云華嶽女君降此山上因立祠水旱祈禱有驗長安志高山女

華神廟在縣北四十里按唐舊地理志同官縣有女迴山耀州志同官縣北三十里為西高山其

東為女迴山又東為神水峽又北十里為高山志別無女華山之名蓋即一山山音相近而訛耳舊

志分為二山

秦嶺

在咸寧藍田二縣南又東接商州界即終南山脊也西都賦睇

秦嶺賊北阜三秦記秦嶺東起商洛西盡汧隴東西八百里通典藍田縣有秦嶺咸寧縣志秦嶺在

縣南一百五十里屬縣界者東西約七十里藍田縣志秦嶺即南山別出之嶺在縣東南接商州界

凡入商洛者必越嶺而後達東出即藍田關

狗脊嶺

在咸寧縣東南五里唐時謂之東市

縣志龍首山在城東南者為狗脊嶺橫嶺在藍田縣北三十五里長府志自驪山東入縣境橫

接華州界縣志云 **沈嶺** 在盤屋縣南蜀志姜維傳
橫嶺下有水橫河 延熙二十年維欲向秦川

率數萬人出駱谷徑至沈嶺元和志姜維嶺本名
沈嶺在盤屋縣南五十里通鑑注自駱谷北出扶

風隔以終南山其間有三嶺一曰沈
嶺近芒水一曰衙嶺一曰分水嶺 **高山嶺** 在盤
屋縣

東南耿谷南六十里又五泉嶺在 **分水嶺** 在渭南
耿谷南三十里北去石鏡谷十里 縣南嶺

東北麓水流入澇水西南麓水流入藍田界又西
北有牛思嶺巖之東北麓曰巖城有巖谷俗傳巖

子陵隱居處相近有馬鞍嶺又望竿嶺在
縣西南又耀州西北八十里亦有分水嶺 **溫秀嶺**

在醴泉縣北接乾州永壽縣界隋書地理志醴泉
有溫秀嶺顏師古漢書注醴泉縣北有山名溫宿

嶺本因漢時得溫宿國人 **長條嶺** 在耀州西北私
令居此田牧故以為名 鹽堡北延亘三

十餘里及徑僅容人又北為橫嶺又東為小石山
又東為摩天嶺高三十里又東為鴻鵠嶺嶺東有

石洞在懸崖中又東

紫閣峯

在鄠縣東南張禮遊城南記紫閣在終南

山祠之西其陰即漢陂杜詩紫閣峯陰入漢陂是
也縣志峯在縣東南三十里迤東有白閣黃閣峯

三峯相距

落雁峯

在鄠縣東南相近有羅漢大頂二峯

太微峯

在藍屋縣東南

四十里東觀閣東一里形勢嵯峨直接太
虛俗傳老子於此昇天其下有煉丹峯

釣魚峯

在渭南縣東南十七里峯東
濱赤水相傳王嘉嘗釣於此

箭穿崖

在耀州西北桃兒堡東相

傳後周明帝與諸將校射中崖
孔因以為名其西為張果老崖

神水峽

在同官縣北三十里

縣志神水峽兩山峻削道從石峽中行險阻同於
石門東北通榆林西北通寧夏甘肅宋史建炎三

年金兵循渭東還王庶林劉延
亮屯神水峽扼其歸路即此
畢原 在長安咸寧

二縣西南史

記周本紀武王上祭於畢又太史公曰周公葬畢
畢在鎬東南杜中馬融曰畢文王墓地名毛詩箋
畢終南山之道名漢書臣贊注汲郡古文畢西於
豐三十里括地志畢原在萬年縣西南二十八里
又有畢原在咸陽縣西北左傳富辰曰畢文之昭也
杜預注畢國在長安西北趙岐孟子注畢郢近豐
鎬之地水經注三秦記曰長安城北有平原廣數
百里民井汲巢居井深五十丈顏師古漢書注畢
陌在長安西北四十里括地志畢原在咸陽縣西
北十五里通典在咸陽西北初王季都之後畢公
高封焉元和志畢原即咸陽縣所理也原南北數
十里東西二三百里無山川陂湖亦謂之畢陌漢
朝諸陵並在其上咸陽縣志畢原一名咸陽原亦
謂之咸陽北陂又按畢原綿亘渭之南北其境甚

廣以今考之在萬年縣西南者即文武周公所葬
在長安咸陽西北者乃畢公高所封諸書所記古
今互異難

少陵原

在長安縣南接咸寧縣界周書
保定二年講武於少陵原通典

悉正矣

萬年有少陵原漢許后陵也窠宇記少陵原即漢
鴻固原長安志原在萬年縣南四十里南接終南
北至滻水屈曲六十里入長安縣界雍錄宣帝許
后葬杜陵南原顏師古曰即今謂小陵者也去杜
陵十八里他書皆作少陵杜甫家馬故自稱杜陵
老亦曰少陵也通志少陵原乃樊川之北原自司
馬村起至何將軍山林而盡又有鳳棲原
在少陵原北以漢宣帝時鳳凰集此因名
在長安縣東南二十里接咸陽縣界水經注沈水
故渠二流上承交水合於高陽原咸陽縣志在縣
東南二十里

細柳原

在長安縣西南司馬相如上林賦
登龍臺掩細柳郭璞注觀名在昆

明池南漢書游俠傳萬章長安人在城西柳市後
漢書郡國志長安有細柳聚元和志細柳原在長
安縣西南三十三里別是**白鹿原**在咸寧縣東接
一細柳非亞夫屯兵之所**藍田縣**界即霸
上也史記秦始皇二十三年王翦伐荆始皇自送
霸上又漢元年十月沛公至霸上遂西入咸陽還
軍霸上應劭曰霸上地名在長安東三十里後漢
書郡國志注三秦記曰新豐縣西有白鹿原周平
王時白鹿出按關中圖白鹿在霸陵水經注滻水
歷白鹿原東即霸川之西謂之霸上顏師古漢書
注霸上即今所謂霸頭元和志白鹿原在萬年縣
東二十里亦謂之霸上又在藍田縣西六里長安
志在萬年縣東南二十里自藍田縣界至滻水川
盡東西一十五里南接終南北至霸川盡南北四
十里雍錄白鹿原者南山之麓霸水行於原上至
霸陵盡皆此原也咸寧縣志白鹿原高於龍首居

民鑿井深數百丈汲引甚艱荆谷神谷其西南二壑也藍田縣志原在縣西二里許其頂平直袤廣

一百五十里 **樂遊原** 在咸寧縣南漢書宣帝紀神爵三年起樂遊苑顏師古注三輔黃圖

云在杜陵西北又關中記云宣帝立廟于曲池之北號樂遊今所呼樂遊廟者是也長安志樂遊原

在萬年縣南八里漢宣帝立廟餘址尚存長安中太平公主於原上置亭遊賞後賜寧中岐薛王其

地居京城之最高四望寬敞京城之內俯視指掌每正月晦日三月三日九月九日京城士女咸就

此登賞 **神禾原** 在咸寧縣南長安圖說唐蓮花洞被楔在神禾原即鄭駙馬之居所謂主

家陰洞者也縣志原在縣南三十里下臨樊川南起竹谷東西北行三十里入長安為滴水界斷其

南為御宿川晉天福六年產 **短陰原** 在咸陽縣西禾一莖六穗重六斤故名南水經注渭

水又東與豐水會於短陰山內無他高山異巒惟原阜石激而已元和志短陰原在咸陽縣西南二

十里縣志原周二
洪瀆原 在咸陽縣北二里東
三里土山無石 西一岡濶七里許 **始**

平原

在興平縣北元和志在縣北十二里東西五
十里南北八里東入咸陽界西入武功界長

安志在縣北六里漢時亦謂
之北芒巖縣志在縣北二里 **鳳凰原** 在臨潼縣東
驪山下相近

有鸚鵡谷唐韋嗣立構別業於此窠宇記昭應縣
鳳凰原後漢書延光二年鳳凰集新豐即此原也

亦驪山之別麓又唐書五行志武德元年新豐縣
鸚鵡谷水清相傳曰此水清天下平隋開皇初此

水暫清尋濁至是復清地理志昭應縣有清虛原
本鳳凰有幽棲谷本鸚鵡中宗以韋嗣立所居更

名縣志鳳凰原在縣東十五
里鸚鵡谷在縣東北十里 **斷陀原** 在臨潼縣北
十五里渭河

北岸入斷原在縣北七十里即荆山盡處自三原縣迤邐而來至富平臨潼二縣之交為漆沮水衝

斷故

新豐原

在臨潼縣東北東入渭南縣界關中圖新豐縣南有新豐原水經注泠水

歷陰槃新豐二原之間長安志新豐原一名青原在渭南縣西南二十里泠水經此原之右臨潼縣

志原在縣東北二十里西接陰槃東至泠口蜿蜒二十餘里與渭南縣迤邐相接渭南縣志其地水

旱常豐一

奉政原

在高陵縣南八里長安志東西長三十里南北濶三里縣志原

自涇陽迤邐而來過縣境盡於臨潼長幾百里高者四五丈涇渭之不得北徙者此原障之也亦謂

之降駕原相傳漢文帝入繼大統時經此或云原上有崇皇寺唐明皇兩幸之故名

鹿苑原

在高陵縣西南三輔黃圖安陵有果園名鹿苑衆宇記原上有鹿臺祠歲旱時百姓祈禱有應號為

鹿臺將軍長安志在縣西南三十里東西長十五里南北濶一里縣志原自咸陽縣來當涇渭二水

之間
風涼原
在藍田縣西南北接咸寧縣界水經注狗枷川水東北流逕風涼原西關中圖

曰麗山之西川中有阜名風涼原在硯山之陰雍州之福地長安志風涼原一作風原在藍田縣西

南四十五里南接石門山北入萬年縣界
石安原
在涇陽縣南接咸陽縣界十六國春秋符

健攻張琚於宜秋還登石安原而歎曰美哉斯原悵然有終焉之志元和志原在縣南七里高二十

丈東西三十八里南入咸陽縣界縣志石安原在縣南十里亦曰南原西自醴泉縣來東訖高陵其

北陞傍涇
豐稔原
在涇陽縣北二里亦曰北原起者入縣境
仲山麓東南至高陵始盡又有

覆車原亦起仲山麓東至
清涼原
在涇陽縣東北治谷口或訛為輿車原
四十五里又豐

樂原在縣東北五十里縣志百頃豐樂
清涼三原俱遠迤嵯峨山前宜黍稷
西城原在

陽縣西北四十里故雲陽縣西東自天井
渠抵洪門監東西四十里南北十五里
百頃原

在涇陽縣西北六十里東連嵯峨山西抵
冶谷口東西十里南北五六里高數百丈
天齊原

在三原縣西北元和志在三原縣西北二十五里
上有天齊祠窠宇記天齊原西連嵯峨山長安志

在縣西北二十里縣志原南屬涇陽界北屬縣界
又元和志符秦於嵯峨山北置三原護軍以其地

西有孟侯原南有豐原北有白鹿原舊志三原俱
在縣西北孟侯最西豐居中白鹿在東連亘四十

里
神川原在渭南縣城東南有東西二陂又明光
原在縣東南四里即後魏置南新豐縣

處其東北
為倉堡衛
廣鄉原在渭南縣東南魏書地形志鄭
縣有廣鄉原水經注西陽水東

陽水出廣鄉原北垂長安志原在縣東南十里
縣志原北有西陽東陽二谷東谷即王嘉隱處仕

原

在渭南縣東北故下邽城西自三原縣界迤邐
至此後人以宋寇準居此改曰仕原其鄉曰仕

鄉原

羊蹄原

在富平縣東南三十里又中華原在
縣南三十里以後周中華郎得名曠

野原

在富平縣西南縣志在荆山北二十里世傳
周宣王田獵於此又有盤龍原原在荆山西

北

北鹵原

在富平縣西北十里魏書地形志頻陽
有南鹵原疑即此耀州志謂之北陸原

子午谷

在長安縣南漢書王莽傳元始五年秋莽
以皇后有子孫瑞通子午道從杜陵直絕

南山徑漢中顏師古注子北方也午南方也言通
南北道相當故謂之子午今京城直南山有谷通

梁漢道名子午谷後漢書順帝紀延光四年罷子
午道魏畧諸葛亮於南鄭與羣下計議魏延曰從

褒中出循秦嶺而東當子午而北不過十日可到
長安三秦記長安正南山名秦嶺谷名子午王應
麟玉海南山大谷凡六謂子午儻駱褒斜南北分
列也後秦姚萇拜郝奴為六谷大都督使備南山
之險又唐廣德初設南山五谷防禦使舊志子午
谷長六百六十里北口曰子在府南百里南口曰
午在漢中府洋縣

豹林谷

在長安縣南終南山麓
谷內有東蒙峯亦曰東

東一百六十里

明峯唐杜甫詩故人昔隱東蒙峯宋史
種放隱於豹林谷之東明峯皆指此

石鼉谷

在

安縣南長安志在萬年縣西南五十里名勝志以
谷口有巨圓石如鼉故名長安咸寧以此分界

炭谷

在咸寧縣南長安志在萬寧縣南六十里陸
長源辨疑志曰長安城南四十里有靈母谷

俗呼為炭谷又竹谷在縣南六十里方
輿說曰竹水俗謂之赤水出於媚谷

荊谷

在咸寧縣

東南二十五里又有羊谷在咸寧縣東南六十里錫谷在咸寧縣東南六十里長安志錫谷

有路至舊歸安鎮合義谷路通興元府又義谷在縣東南八十里東南至乾祐縣及金商等州西南

有路至興元府縣志有大小二谷小義谷在羊谷內其東有白道谷大義谷在白道谷東坑儒

谷在臨潼縣西南史記秦始皇三十五年諸生四百六十餘人皆坑之咸陽顏師古漢書注今新

豐縣溫湯之處號慙儒鄉溫湯西南三里有馬谷之西岸有坑古老相傳以為秦坑儒處也衛宏

詔定古今官書序云秦既焚書患苦天下不從所改更法而諸生到者拜為郎前後七百人乃密令

冬種瓜於驪山谷中溫處瓜實成詔博士諸生說之各說不同乃命就視之為伏機諸生方相難不

決因發機從上填之以土皆壓終乃無聲此則閔儒之地其不謬矣唐書地理志昭應縣有旌儒鄉

有廟故坑儒明皇更名窠宇記坑儒谷在昭應縣東南五里唐明皇改為旌儒鄉立旌儒廟賈至為

碑文長安志在石甕谷在臨潼縣東南長安志韋縣西南五里述兩京道里記曰福巖寺

在縣東五里南山半腹臨石甕谷有懸泉激石成臼似甕形因名鄭嵎津陽門詩注云石魚巖下有天然石其形如甕以貯飛泉故明皇以為寺名縣志谷中多蘭蕙亦謂之芝蘭谷在東繡嶺之左

高冠谷

在鄠縣東南三十里紫閣峯東內有高冠潭又有太平谷在雞頭山東谷內有長嘯

洞重雲閣滂谷在鄠縣西南接盤屋縣界漢書郊為縣勝處滂谷祀志宣帝時京師近縣鄠則有滂

谷五牀山祠窠宇記滂水出終南滂谷縣志沿谷兩岸西盤屋東鄠縣南極秦嶺又東有馬谷栗谷

直谷皂傾谷在藍田縣東水經注藍田谷西北有銅谷次東有輕谷長安志傾谷在縣

東五十里同谷在傾谷西北按悟真谷在藍田縣南十五里

縣志為藍田絕勝白鴉谷在藍田縣東南二十里處人多遊眺於此唐杜甫詩盤剝白鴉谷

口栗即此又長安志有藍倒回谷在藍田縣東南谷亦在縣東南二十里

灞水上源出此谷內通商州洛南縣輞谷在藍田界按此即水經注所謂藍田谷也

二十里又抹谷在縣西南三十里與輞谷並有路通商州上洛縣雍大記商嶺水流至藍橋伏流至

輞谷如車輞環轆落疊嶂入深潭有千聖洞細水洞茶園栗嶺唐右丞王維莊存焉所謂輞川也縣

志輞川在縣正南川口即嶢山之口去縣八里兩山夾峙川水即從此北流入灞其路則隨山麓鑿

石為之計五里許甚險狹即所謂匾路也過此則豁然開朗四顧山巒掩映若無路然此第一區也

團轉而南凡十三區其景愈奇計地
二十里而至鹿苑寺即王維別業

石門谷

在藍田縣

西南水經注狗枷東川出南山之石門谷長安志
石門在縣西南四十里唐昭宗乾寧二年行至莎
城鎮又次石門鎮
庫谷 在藍田縣西南接咸寧縣
之聖壽寺即此 界唐書地理志藍田有庫

谷谷有關長安志
在縣西南五十里

冶谷

在涇陽縣西北漢書郊祀
志申公曰黃帝接萬靈明

庭明庭者甘泉也所謂寒門者谷口也服虔曰黃
帝升仙處顏師古曰谷口仲山之谷口也漢時為
縣今呼冶谷以仲山之北寒涼故謂此谷為寒門
也窠宇記雲陽宮記曰冶谷去雲陽宮八十里封
禪書所謂谷口也其山出鐵冶鑄之所因以為名
入谷便洪潦沸騰飛泉激射兩岸皆峭壁孤豎盤
橫坎谷凜然凝沍常如八九月中盛夏暑當晝暫暄
涼秋晚候緼袍不煖所謂寒門者也谷中今有毛

原監縣志治水出谷處謂之谷口亦曰東谷口在縣西北六十里與涇水所出之谷口東西相去二十餘里有巖曰鄭巖泉清谷在三原縣西北接耀曰鄭泉即鄭子真隱處清谷州界寰宇記清水谷一名鬼谷昔蘇張師事鬼谷先生學即此谷也長安志晉太康地記扶風池陽縣有鬼谷先生所居今按此地即芒谷在盤屋縣東南一名黑水谷其舊池陽之境芒谷東有韓谷黃谷及團標等谷水經注芒水出南山芒谷就水出南山就谷長安志韓谷黃谷俱在盤屋縣東南二十五里縣志黑水谷在縣東南即芒谷也水黑色故亦名黑水谷谷內三里為韓谷自谷而東三里為黃谷又一里為團標谷又東五里為馬窩谷又東三里為就谷又東三里為飛昇谷又東二里為西觀閣又東一里為閭仙閭在太微峯側又東二里即田谷也自谷而南六十餘里為金井又南一百二十里為秦嶺

又南六十里
即柴溝關

田谷

在盤屋縣東南水經注田谿水出南山田谷長安志在縣東南

三十里縣志谷去縣三十
五里在太微峯東二里

赤谷

在盤屋縣東南其東又有牛谷壇谷

及耿甘等谷水經注漏水出南山赤谷又耿谷水出南山耿谷甘水出南山甘谷長安志赤谷牛谷

俱在縣東南三十五里壇谷在縣東南三十七里縣志赤谷在田谷東四里谷東過嶺為牛谷又東

三里為壇谷今名大渠谷又東十五里為甘谷唐武德八年韋鄠縣校獵於甘谷即此蓋近鄠縣境

也又東四里為石鏡谷谷南十里五泉嶺半有石方丈餘瑩明如鏡遠照長安故名自石鏡而東四

里為澇谷與鄠縣接界

駱谷

在盤屋縣西南魏志正始五年曹與伐蜀發卒從駱谷入敵因

山為固兵不能進括地志駱谷口在盤屋縣西南三十里寰宇記駱谷道漢魏舊道也南通蜀漢近

代廢塞唐武德七年復開東北自鄠縣界西南逕
盤屋縣又西南入駱谷出谷入洋州興勢縣界宋
白續通典自長安取駱谷路至興元府六百五十
二里地里通釋駱谷在長安西南二百里谷長四
百二十里縣志駱谷口明設巡司隆慶中盜賊竊
發巡司不能禁遂塞谷之東五里為新谷口又東
二里為熨斗谷又東二里為
虎谷又東二里即黑水谷

倉谷

在盤屋縣西南
長安志倉谷故

縣谷強弩谷俱在縣西南二十五里韋谷底保谷
在縣西南三十里縣志縣境南山其勢自西趨東
極西與鄠縣接界處為韋谷俗訛為泥谷在縣西
南五十里自韋谷而北十里為倉谷自韋谷而東
七里為底保谷俗名車谷自車谷而東三里為強
弩谷今名強谷強谷東五里為稻谷又東八里即
駱谷
口 狗谷 在渭南縣南三十里清水出此又羊谷
在縣東南半截山東又東曰黑掌谷又

東曰萌蘆谷又
東即箭谷山
波水谷
在醴泉縣東北隋書地理志醴泉縣有波水長安志

波水谷在縣北七十里又豆蘆谷在縣西北八十里黑狗谷在縣西北九十里縣志波水豆蘆二谷俱在縣東北七十里黑狗谷在縣東北八十里又有巖谷在縣東北三十里有泉從石罅中出與巴

谷等水溉
田數十頃
甘谷
在醴泉縣西北五里長安志縣西北三十里有甘谷甘水出焉非此甘

谷也
泥泉谷
在醴泉縣西北三十里縣志谷在縣北城下又安谷在縣東北二十里明嘉靖

四年谷中
出水灌田
巴谷
在醴泉縣西北九十里又泉谷在縣西北一百里縣志二谷俱在縣

正北八
十里
鴻門坂
在臨潼縣東史記項羽紀羽軍在鴻門下沛公軍在霸上相去四十

里從驪山下道並陽間行不過二十里後漢書郡國志新豐有鴻門亭孟康曰鴻門在新豐東十七

里舊大道北下坂口名也水經注今新豐縣故城東三里有坂長二里餘塹原通道南北洞開有同門狀謂之鴻門孟康言在新豐東十七里無之蓋指縣治而言非謂地也姚察曰新豐故城東未至戲亭道南有斷原南北洞開即鴻門也寰宇記按關中記鴻門在始皇陵北十里雍錄鴻門在驪山北十里縣志縣東十五里長平坂在涇陽縣西南漢里有項王營即鴻門也長平坂書宣帝紀甘露三年上自甘泉宿池陽宮登長平坂如淳曰阪名也在池陽南上原之阪有長平觀去長安五十里顏師古曰涇水之南原即今所謂畦城阪也縣志坂在縣西南十里按元和志云在縣西南五里寰宇記長安志俱云五十里通志又云二十里里數互異以如淳注考之疑縣志為近是塔坂在咸寧縣南二十里長安圖說塔坡以有浮屠故名在韋曲西何將軍之山林也今其地出美稻土

人謂之塔坡米縣志又有金鑾坡在故金鑾殿西
膳脂坡在縣南董子祠後與翡翠坡相接又勲陰坡

在縣南二十五里為韋杜故里長樂坡在咸寧縣東北舊唐書天
寶三載遣左右相已下祖

別賀知章於長樂坡元和志在萬年縣東北十二
里即漣川西岸舊名漣坂隋文帝惡其名改名長

樂坡長安志在縣東北十里縣志又有三稜
坡在北郭外西亘長安即長樂之支隴也馬嵬

坡在興平縣西二十五里一名馬嵬山唐楊貴妃葬此柳侯坡長安志在渭
南縣東南十

五里東西十里南北接山三十里又胡城坡在縣
南十五里東西十五里南北接山三十里祇源坡

在縣西南二十里東西三十里南北接山三十里
縣志胡城坡俗訛曰胡公坡又龍尾坡在縣南胡

城東北東西當蒲川口曰風門窠宇記引三秦記
云風門在新豐縣東南兩阜相對其所多風即此

兴邱

在長安縣西北十五里

高望塏

在咸寧縣東南十二里少

陵原北晉潘岳西征賦憑高望之陽桓公塏在藍田縣

限長安志高望塏在延興門南八里桓公塏田縣

南二十五里長安志晉書桓溫伐苻健遣苻雄等衆拒溫於愁思塏後因名為桓公塏按唐書廣

德初回紇吐蕃入寇郭子儀收兵屯商州遣長孫全緒為前鋒營韓公塏蓋即桓公之訛也蟬

蛤塏在渭南縣南長安志在縣南二十里崇三十尺周二百步又孟家塏在縣南六十里崇百

五里崇三十尺周一百步八公塏在富平縣東

見寰宇記其塏兩岸各有小谷象八字中心有塏象公字固以為名又有萬戶塏黃金塏長安志萬戶塏在縣西三十里黃金塏在縣北二十里縣志八公原即八公塏在北園原北黃金塏在龍泉山

東北即雷村以東
土山之頻起者

陳濤斜

在咸陽縣東亦作陳陶斜唐至德初房琯與賊

將安守忠戰敗於此杜甫有悲陳陶詩興元初李晟討朱泚自東渭橋移軍西上與李懷光會於咸

陽西陳濤斜胡三省通鑑注陳濤澤在咸陽東其路斜出故曰陳濤斜宋敏求春明退朝錄唐宮人墓

謂之宮人斜四仲遣使者祭之然則陳濤斜者豈亦因內人所葬地而名之耶舊志亦謂之咸陽斜

金沙洞

在臨潼縣驪山長安志驪山洞居長生殿之左縣志舊傳驪山出金銀明萬曆二十

五年遣內侍開採經年所獲不足夫匠之費至三十四年始罷錫水洞在藍田縣南三十里

縣志相傳昔有高僧以錫杖自藍橋山下通之其水遂經洞前流入輞谷河

唐公主洞

在藍田縣東南三十里俗傳唐時有公主好道關此居之又有碧仙洞在藍橋西俗傳韓湘修真之

所又名韓

玉女洞

在盤屋縣南水經注芒水側山際有石室世謂之玉女房長安

志玉女洞在縣南三十里洞門崇四尺濶三尺縣志玉女洞在黑水谷中僊遊潭北

呂公洞

在盤屋縣東南三十五里太微峯東崖唐呂嵩隱居處又十老洞在縣東南田谷南一里有石像十

因佷石

在臨潼縣驪山側窠宇記在昭應縣東十里初始皇之葬遠採此石將致之驪山至

此不復動石高一丈八尺周迴十八步長安志在始皇陵東南二里形如龜縣志在始皇陵東北二

里唐皇甫湜有銘

渭水

在府北自鳳翔府郿縣乾州武功縣流入境逕盤屋縣北又東逕興

平咸陽二縣南鄠縣北又東逕長安咸寧二縣北高陵縣南臨潼渭南二縣北又東入同州府華州

界書禹貢導渭東會於澧又東會於涇又東過漆沮入於河周禮職方氏雍州其浸渭洛淮南子渭

水多力宜。秦關中記渭與涇洛為關中三川。又涇渭瀾漚。鄠鎬漚瀹為關中八川。水經注渭水東逕鄠塢南。合洛谷水。又東芒水從東來流注之。又東過槐里縣南。又東與芒水枝流合。又東澇水從南來注之。又東北逕黃山宮南。就水注之。又東合田谿水。又東逕槐里縣故城南。漏水注之。又東合甘水。又東豐水從南來注之。又東北與鎬水合。又東北逕渭城南。沈水注之。又東過長安縣北。東分為二水。又東合注水。上有渭橋。又東與泚水枝津合。又逕長安城北。東合昆明故渠。又東過霸陵縣北。霸水合漚水。從縣西北流注之。又東會成國故渠。又東與高陵分水。又逕平阿侯王譚墓北。左則涇水注之。又東逕鄠縣西。又東得白渠枝口。又東與五丈渠合。右逕新豐故城北。東與魚池水會。又東逕鴻門北。又東石川水南注焉。又東戲水注之。又東冷水入焉。又東得首水。又東得西陽水。又東得

東陽水入東逕下邳縣故城南又東與竹水合又東得白渠口又東逕鬱都城北胡渭禹貢錐指渭水東逕藍屋縣北五里又東逕興平縣南二十里又東逕咸陽縣南一里鄠縣北九十里澧水東北流注于渭經所謂東會于澧也又東逕長安縣北三十里又東逕咸寧縣北五十里高陵縣南二十里涇水東南流與渭水合經所謂又東會于涇也又東逕臨潼縣北十五里又東逕渭南縣北四里又東逕同州府南華州北咸

豐水

源出鄠縣東南終南山北流徑

縣東又北逕長安縣西又北至咸陽縣東南入渭一作澧又作鄠書禹貢澧水攸同詩大雅豐水東注維禹之績漢書地理志鄠縣鄠水出東南北過上林苑入渭又司馬相如傳注張揖曰鄠水出鄠南山鄠谷北入渭水經注豐水出豐溪西北流分為二水一水東北流為支津一水西北流又北交

水自東入焉又北昆明池水注之又北經靈臺西
又北至石墩注于渭括地志豐水經鄠縣東二十
東北流注交水元和志豐水經鄠縣東二十八里
長安志豐水出長安縣西南五十里終南山豐谷
其源濶十五步其下濶六十步水深三尺自鄠縣
界來終縣界由馬坊村入咸陽縣西十一里流至
宋村入渭其水緣南山郊水合流又有祥谷水白
谷水俱入豐水通志豐水在府城西三十有五里
咸陽縣東南三里舊志豐水渠在長安縣西南四
里俗名張王渠久廢今縣西四十里有閻家高家
等渠皆因豐水溉田禹貢錐指渭南諸川惟豐為
大自漢鴻嘉中王商穿長安城引豐水注第中而
其流漸微唐貞觀中堰豐鎬入昆明池二水於是
斷流又於京城西北引豐水為漕渠合鎬水北流
由禁苑入渭而豐水之流愈微又鄭當時所開漕
渠及靈輶富民昆明諸渠皆橫絕豐鎬等水水脈

益亂不可尋究竊疑澧西之潯澧東之鎬滴霸澧禹時悉合澧以入渭故澧水得其大且詩言東

注而漢志云北過上林苑入渭則是北流而非東注矣禹導渭東會於海當在漢霸陵縣北霸澮入

渭處鎬水在長安縣西北鎬一作高史紀秦始皇本紀三十六年有人持璧遮使者曰為

吾遺鎬池君集解孟康曰長安西南有鎬池三輔黃圖廟記曰鎬池在昆明池北周匝二十二里溉

田三十三頃水經注鎬水上承鎬池於昆明池北又北流西北注與流池水合北逕漢靈臺西又逕

磁石門西又北注於渭括地志今按鎬池水北流入永通渠不至磁石門亦不復入渭長安志鎬水

出長安縣西北十八里鎬池圖經曰在縣西四十里其水自鄠縣界入本縣界十里入清渠長安圖

鎬池在咸陽西南二十五里舊志水源亦出南山谷中北流經故長安城西南注昆明池池又北為

鎬池又北入於澧水自唐堰入昆明池而涇水自
澧鎬之流絕今則昆明池亦涸為民田

州淳化縣西乾州永壽縣東流入逕醴泉縣東涇
陽縣西又東南至高陵縣西南入渭書禹貢涇屬
渭汭傳言治涇水入於渭詩邶風涇以渭濁湜湜
其汙釋文涇濁水也周禮職方氏雍州其川涇汭
左傳襄公十四年夏諸侯之大夫從晉侯伐秦濟
涇而次秦人毒涇吐流漢書地理志涇水東南至
陽陵入渭元和志涇陽縣涇水自雲陽界流入逕
縣南七里又東南入高陵縣界秦人毒涇即此處
寰宇記水涇注曰涇水東流入峽又東南逕瓠口
鄭白二渠出焉涇陽縣志水自縣西北仲山九峻
山間出谷始落平壤又東南流逕縣南縣在水之
陽故名涇陽高陵縣志涇河至縣西南上馬渡入
渭舊志涇河在醴泉縣東北五十里涇陽縣西
南五里高陵縣西南二十里咸陽縣北四十里

流

池水

在長安縣西北詩小雅灋池北流浸彼稻田箋豐鎬之間水北流魏書地形志長安有灋

池水水經注灋池水出鄠池西而北流入於鄠毛詩云灋流浪也而世傳以為水名矣十道志長安

西有灋池亦名聖女泉長安志灋池水出縣西北二十里又聖女泉出縣西二十里昆明池北平地

上周十步西北流五十步與牧豬泉合

交水

在長安縣南源出咸寧縣南山西北流至縣界

入豐水一名福水水經注沔水又西北支合故渠渠有二流上承交水合于高陽縣而北逕河池陂

東注沔水寰宇記萬年縣福水即交水也上承樊川御宿諸水出縣南石壁谷南三十里與直谷水

合即子午谷水長安志交水一作郊水自萬年縣界流入長安縣水經注曰交水西南流與豐水支

津合其北又有漢故渠出焉又西至石碣分為二水一水西流注豐一水自石碣北逕細柳諸原北

流入昆明池圖經曰郊河水在縣南三十二里自萬年縣界經本縣三十里合豐水張禮遊城南記樊川御宿之水交流故名交水在府城南三十里合於豐

梗梓谷

水

在長安縣南長安志水出南山北流合成國渠又西北豹林谷水入焉又西北至縣東南三十

里入交水豹林谷水出南山北流三里有竹谷水自南來會並合入交河又北流合潤國渠又西北

流長安縣又龍驤谷水太和谷水俱合郊河按長安志又有坑谷水在縣南二十七里自萬年縣

界來流入交水滴水在長安縣南源出南山自咸寧水今無此水縣界流入又西北入渭水說文

滴水在京兆杜陵漢書司馬相如傳注師古曰地理志鄠縣有滴水北過上林苑入渭今鄠縣無此水許慎云滴水在杜陵北即今所謂沈水也蓋為字或作水旁穴與沈字相似俗人因名沈水水經

注沈水上承皇子陂於樊川西北流注杜縣之杜
京西西北流逕杜伯冢南又西北逕下杜城又西
北支合故渠又北與昆明故池會又北逕秦道六
基東又北逕竭水陂東又北得陂水又北逕長安
城西與昆明池水合又北逕鳳闕東又北分為二
水一水東北流一水北逕神明臺東又逕漸臺東
又北流注渭亦謂是水為潏水亦曰高都水前漢
之末五侯王氏大治池沼引高都水入長安城即
是水也又沈水支津上承沈水東北流逕鄭父祠
南又東分為二水一水東入道遙園注竊池其一
水北流於渭窠宇記長安縣潏水即沉水也東自
萬年縣界流入長安志潏水在長安縣南十里張
禮遊城南記注潏水今不至皇子陂由瓜洲村附
神禾塹上穿申店而其原愈高鑿原而通深至八
九十尺俗謂之坑河是也通
志潏水在府城南二十里

石鼃谷水

在長安咸
寧二縣南

長安志萬年縣石甌谷水北流十五里復西流十里入長安縣界舊志在長安縣南五十里水自南山谷中北流與滴水合東岸屬咸寧西岸屬長安皆堰水溉田按括地志滴水一名石甌谷水新志又謂石甌谷水在咸寧縣東源出藍田縣即鎬水其說互異灞水谷中經縣東南流至咸寧縣界又北入渭水史記封禪書灞水長水灋滂涇渭皆非大川以近咸陽皆得比山川祠漢書地理志南陵縣霸水出藍田谷北入渭古曰茲水秦穆更名以章霸功視子孫水經注灞水出藍田縣東又左合漣水歷白鹿原東又北長水注之又北會兩川又北故渠左出焉又北逕王莽九廟南又北逕柽道又北左納漕渠又北逕秦虎園東又北入於渭水隋書高祖紀開皇五年改霸水為滋水元和志灞水在萬年縣東二十里又藍田縣灞水東南自商州上洛縣界流入又西北合漣水入渭長

安志霸水亦名藍田谷水即秦嶺水之下流也圖
經曰源出藍田東秦嶺倒回谷西北流九十里出
縣界入萬年縣界騫村岸濶六十尺藍田縣志在
縣東南二十里近日居民開種山地沙石壅積水
發衝入河中水日散漫濶于舊蓋數十倍按灞
水之源據水經注不宜遠在上碓境自隋唐來經
流遷徙故道難尋故元和志以下其說亦互異又
按水經注霸水古曰滋水秦穆公霸世更名滋水
曰霸水以顯霸功蓋引漢志之文滋與茲古字通
用也今漢書刊本古曰茲水上多一師字乃後人
所增誤以蓋堅本文為顏氏注文耳高祖紀視項
羽無東意師古注云漢書多以視為示古通用字
此視子孫之視注亦云讀
曰示可證其為漢書本文
澧水 在咸寧縣東南源
出藍田縣西南谷
中北流至縣界又北合灞水入渭水經澧水出京
兆藍田谷北入于灞注地理志曰澧水出南陵縣

之藍田谷西北流與一水合水出西南莽谷東北
流注漚水又北歷藍田川北流注於霸水長安志
漚水在萬年縣東北流四十里入渭遊城南記少
陵東接風涼原漚水出焉東北對白鹿原邢谷水
出焉二水合流入渭杜甫所謂登高索漚源是也
咸寧縣志漚水在城東十里焦戴川自東南來漚
川自西南來二川相合即為漚水其地多水田桑
麻蔬圃產物最盛按漢書地理志南陵縣沂水
出藍田谷北至霸陵入霸水經注引此作漚水
蓋沂即漚之訛也又按水經注霸水先合漚水於
白鹿原東又北荆谿水合狗柳川注之二水未嘗
相混且辯之曰俗謂之漚水非也自魏書地形志
以出苦谷者為漚水始與水經注異唐宋以來故
道莫辨大抵荆谿狗柳及上流諸水皆目為漚源
矣

義谷水

在咸寧縣南長安志義谷水自萬年縣
界由乾祐縣下流入山一百里至谷口

西北流二十里合錫谷羊谷水入坑河西流十五里入長安縣界又郊谷水北流十里合錫谷水自谷北流十里為坑河入長安界舊志大義谷水在咸寧縣南五十里分三派第一派與狗枷荆谿諸水合流為澹水即龍首渠之水第三派為胡公堰與阿姑渠合流為皂河即通濟渠之源第二派無名自東而西兩岸皆可灌溉

泥渠水

在咸陽縣南源出鄠縣扈陽谷一名扈陽谷水至縣

境入渭水寰宇記扈陽谷一名扈水今名馬腹陂水經注云扈水上承扈陽池鄠縣志鄠南惟化羊谷有水出焉蓋本為扈陽後訛為化羊也其水引流至咸陽縣為泥渠之上源咸陽縣志泥渠在縣南十五里出鄠縣化

荆谿水

在咸寧縣東南源出藍田縣至縣境入澹

水古名長水唐宋以來皆謂之澹水宋書百官志漢置長水校尉近長水故以為名長水蓋關中小

水名也水經注長水出杜縣白鹿原其水西北流謂之荆谿水又西北左合狗枷川水又北入霸縣有溫泉入焉亂流注於霸俗謂之漚水非也括地志漚水在萬年即荆谿狗枷二水之下流兩京道里記荆谿本名長水後秦姚興避諱改焉長安志荆谿水一名荆谿自藍田縣白鹿原東流至康村入萬年縣界西流二十里出谷至平川合庫谷採谷石門水為荆谿水庫谷水自藍田縣南山出北流二十五里合採谷水下流入荆谿水號漚水下流二十五里合灞水北流二里入渭採谷水自藍田縣界西北三十里入萬年縣界二十里合庫谷水石門谷水來自藍田北流十里入萬年縣界合採谷水又金谷水出藍田縣西南終南山之金谷東北流注漚水

魚池水 在臨潼縣東水經注水出麗山東本導源東流後秦始皇葬於山北水過而曲行東注北轉始皇造陵取土其地汙

深水積成池謂之魚池池在秦皇陵東北五里周
圍四里池水西北流逕始皇冢北又西北流逕鴻
門西又逕新豐縣故城東世謂是水為陰槃水又
北絕漕槃溝注於渭長安志陰槃城河水在縣東
北十四里出戲水在臨潼縣東下流入渭水史記
縣北楊村社戲水秦二世本紀二年冬陳涉遣周
章等將西至戲集解孟康曰水名今戲亭是也蘇
林曰在新豐縣東南三十里正義今新豐東北十
里有戲水當故道即周章軍至處魏書地形志陰
槃有戲水水經注戲水出麗山馮公谷東北又北
逕麗我城東又北右總三川逕鴻門東又北逕戲
亭東又北分為二水並注渭水顏師古漢書注新
豐東有戲水驛其水本出藍田北界橫嶺至此而
北流入渭兩京道里記戲水至濁北流入渭東西
有店南去昭應縣二十九里窠宇記在昭
應縣東二十七里縣志在縣東三十里市谷水

在臨潼縣東長安志市谷水玉橋河俱在縣東
三十里流入渭縣志市谷水下流名玉橋河 冷

水

在臨潼縣東長安志自縣西南北至縣界入渭
亦名零水水經注泠水南出肺浮山北會三川

統歸三壑歷陰槃新豐兩原之間北流注于渭窠
宇記昭應縣百丈水即泠水之別名長安志泠水

一作零水在縣東三十五里來自渭南縣界臨潼
縣志在縣東四十里渭南縣志泠水發源於馬谷

老池頭北流合白莊溝水又西北至 耿谷水 在鄭
新豐原入臨潼境至零口鎮北入渭 縣西

南接盤屋縣界水經注耿谷水發南山耿谷北流
與柳泉合東北逕五柞宮北逕仙澤東北又逕望

仙宮東又北與赤水會又北逕思鄉城東又北注
渭水長安志在鄠縣西南三十里其底並碎沙石

北流入興平縣界合渭水盤屋縣志耿谷水亦名
白馬河在縣東五十里離谷口三里分為二一北

行過臨川鎮西北三里入渭一東甘谷水在鄠縣西南接

北行至臨川鎮東北五里入渭

盤屋縣界水經注甘水出南山甘谷北逕秦文王

賁陽宮西又北逕五柞宮東又北逕甘亭西又東

得勞水口長安志在鄠縣西南二十二里北流至

興平縣界合渭水縣志水出甘谷北流至李家塞

逕雙溪鎮西為沙河至勞水在鄠縣西南源出勞

原馬店宋村東北入渭

界入滴水山海經在牛首之山勞水出焉西注於

滴水許慎說文勞水出鄠縣北入渭漢書司馬相

如傳鄠鎬潦滴顏師古注潦音牢出鄠縣西南山

潦谷李善文選注潦即勞水也水經注勞水出南

山潦谷北逕漢宜春觀又東北逕鄠縣故城西勞

水際故城出合漢陂水北流入於渭長安志勞水

在鄠縣西二里明統志勞水合漢陂水流至長安

縣界入滴水縣志水在縣西南分東西二派溉田

檀谷水

在鄆縣南寰宇記檀谷水長樂渠之上流也源亦出終南山縣志檀谷水今引入白

公太平谷水

在鄆縣東南相近又有高冠谷水寰宇記太平谷水一名林谷水即清渠

水之上流源出終南山長安志太平谷水高冠谷水皆在縣東南三十里其底並碎砂石北流入長

安縣界合豐水縣志太平谷在雞頭山東中有鳳池即水源也高冠谷水源出高冠谷谷有石穴石

潭潭最靈

白馬谷水

在藍田縣東長安志水出藍田縣東白馬谷西流逕縣南

旱禱輒應

又西北流入霸水又牛谷水出縣西北白牛谷西南流入霸水岐谷水出縣西南岐谷南流入霸水

縣志白馬谷河一名土膠河在縣東半里以其水濁故名源出渭南石鼓山會諸澗谷水西流入縣

境明嘉靖初鑿渠引水入城本朝順治中重濬

藍溪水

在藍田縣東南長安志藍谷水

南自秦嶺西流逕藍關藍橋過王順山下出藍谷西北流入灞縣志藍溪即藍谷水至悟真寺前又謂之清河按水經注有渥水西逕嶢關北歷柳嶢城又西北流入灞疑即此又長安志有劉谷水一名泥水出縣東劉谷

輞谷水

在藍田縣南長安志輞谷水出南山

蓋皆灞水之上源也

輞谷北流入灞水又募子澗在縣南三里出南山西北流合輞谷水縣志縣南嶢山口兩峽夾峙輞

川水從此北流入灞按大事記謂輞谷水即渥水今考渥水當在縣東南輞谷水在縣南非渥水

也

狗枷川水

在藍田縣西南五十里水經注狗枷川水有二源西川上承魄山之砮槃

谷次東有苦谷二水合而東北流逕風涼原西石合東川東川出南山之石門谷次東有孟谷次東有大谷次東有雀谷次東有土門谷五水合而西北歷風涼原東又北與西川會亂流北逕宣帝許

后陵東斯川於是有狗枷之名又北逕杜陵東又北注荆谿長安志狗枷東川水出藍田縣西南終

南山

按魏書地形志山北縣有苦谷澹水出焉

蓋指狗枷西川水也舊志謂長安志之石門谷採

谷庫谷金谷諸水即狗枷

木谷溝水

在藍田縣西二十里相近

又有雙溪水俱利灌溉

冶谷水

在涇陽縣西北自邠州淳化縣流入東南至三原縣界合

清水水經注鄭渠自中山又東逕捨車宮南絕治谷水長安志冶谷河自西北淳化縣界來逕雲陽

縣嵯峨武康青龍等鄉溉民田涇陽縣志冶谷河當仲山東嵯峨山西出谷處為臨江潭在縣西北

六十里瀑布飛流噴薄數頃俗呼為龍潭稍南即東流至辛管匯與清水谷合按水經注鄭渠絕

冶谷水又東逕嵯嶺山南又東合清水今冶谷水東至辛管匯合於清谷水蓋即鄭渠故道也韋

水

在盤屋縣西下流入鳳翔府郿縣界長安志韋谷渠在縣西南三十五里自南流下至長安店

入渭竄宇記漳水在縣北五里疑是此通志韋谷渠一名廣積渠縣志水源出韋谷其正流西逕郿

縣境支流東引強谷水在盤屋縣西二十里源出為渠散沒縣界強谷水強弩谷北流五里合稻谷

水又北駱谷水在盤屋縣東亦名沙河水經注駱入渭谷水出南山駱谷北流逕長安西

入渭長安志沙河在縣東二里自終南山北流逕縣界三十五里入渭縣志駱谷水正流為沙河東

北至人遠村合新谷口水又北逕縣東二里尖角村北入渭其支流西出為廣濟渠北至西關引為

城河環流至城芒水在盤屋縣東十六里一名黑北又北入渭水蜀志姜維傳延熙二十年

維出駱谷徑至沈嶺魏鄧艾軍於長城維前住芒水皆倚山為營水經注芒水出南山芒谷北流逕

玉女房又北逕盤屋縣之竹園中分為二流一水注東北為枝流一水北流注於渭其枝流自竹園

東北流又出西北入於渭亦名黑水縣志黑水源出黑水谷即芒水也水黑色俗呼為黑河其水合

韓谷黃谷諸水東北流分為盧家河又東北分為泥河又東北逕司竹局黑河灣北入渭其盧家河

泥河下流皆入渭就谷水在盤屋縣東水經注就水出南山就谷北逕大陵西歷陵北與

黑水合水上承三泉於就水之右三泉奇發言歸一瀆北流左注就水就水又北流注於渭縣志就

谷水自就谷北流為沙河合飛昇谷西觀谷之水逕大結杜入黑河按水經注就水北與黑水合

黑水在就水之右此或田谿水在盤屋縣東一名田谿水別一水非今黑水也

谿水出南山田谷北流逕長陽宮西又北逕盤屋縣故城西又東北與一水合又北流注於渭水長

安志田谷河在縣東南三十五里出終南山北流入黑水河水經注入田谿水疑是此縣志田谷水在縣東二十五里自田谷北流至大結社為萬里河東入黑河其西支流為磨渠至樓觀村合閼仙谷水又合東觀閼水北入黑水其東漏水在盤屋支流為金水渠北逕終南東入黑河漏水中為望仙澤水經注漏水出南山赤谷東北流逕長陽宮東又北逕葦園西亦謂之仙澤又北逕望仙宮又東北眴谷水注之又北逕思鄉城東又北注渭水元和志望仙澤在縣東三十五里中有龍尾堆窠宇記周地圖記云澤中有石盤龍兩所鱗甲飛動常有雲氣聲如鳴鐘長安志澤周十里水經注仙澤即此縣志赤谷水即漏水也自赤谷北流合牛谷壇谷諸水至南澗寨為澗河北入渭壇谷南有紅石洞洞口有石盤龍其東有富谷堆疑即周地圖所云石盤龍元和志所云龍尾堆也

湫水

在渭南縣西本名首水水經注首水南出倒虎山西總五水單流北注逕秦步高宮東歷

新豐原東而北逕步壽宮西又北入渭元和县志湫水出縣西南石樓山北入渭縣志湫水出石鼓山

北流逕望竿嶺至清澗溝頭有羊河源出元象山之大谷又有小谷河源出小谷山又倩水河一名

清澗源出黃狗谷又曹谷水源出曹谷俱北流入湫水湫水合衆流北逕豐原北麓口又北逕密峙

臺石猶合衆流而北入渭按元象山即倒虎山據水經注則今所謂羊河者乃湫水正源而出

石鼓山與小谷清澗曹谷諸水皆其別源即所謂西總五水者也杜化谷水在渭南縣

東水經注零口西陽水在渭南縣東水經注西陽水濁利灌溉水東陽水並南出廣鄉原

北垂俱北入渭縣志西陽水在縣東八里源出西陽谷其東為東陽水源出東陽谷又有明光谷水

亦在縣東俱

北流入渭

赤水

在渭南縣東源出箭谷山下流入渭本名竹水亦名大赤水水

經注竹水南出竹山北經都加谷歷廣鄉原東谷謂之大赤水北流注於渭寰宇記大赤水又名箭

谷水縣志赤水在縣東二十里與華州相接又縣東南有羊谷水源出羊谷又東有黑掌谷水葫蘆

谷水俱北流入赤水按水經注竹水為大赤水在西灌水為華州之小赤水在東本二水也寰宇

記以大赤水為箭谷水蓋以竹山亦名箭谷故也縣志謂小赤水出箭谷東北誤溫泉水在

平縣西源出仲山麓東流與澤多泉合流逕縣北門外又東南入石川河其水隆冬不冰澤泉

水在富平縣西一名澤多泉水經注澤泉水出沮東澤中與沮水隔源相去十五里俗謂是水為

渠水東流經薄昭墓南又逕懷德城北東南注鄭渠合沮水長安志澤多泉在縣西十三里永順鄉

溫泉村東入薄臺川三十里南入漆沮河溉民浪
田縣志溫泉河由淮陽城而西澤多泉入焉

水

在醴泉縣西北隋書地理志醴泉縣有浪水泉
宇記承陽山有石泉所謂浪水是也縣志石泉

谷水在縣西北四十里源發縣北五十里自石中
流出兩水合流入泔河又名兩水谷居民以溉田

甘泉水

在醴泉縣西北亦名甘河魏書地形志寧
夷有甘泉隋書地理志醴泉有甘泉水長

安志甘河自縣西北甘北鎮來至縣東北逕甘渡
合入涇水縣志源出永壽縣界經乾州東北至縣

甘北鎮

巴谷水

在醴泉縣北八十里水經
唐昭陵石民資以溉田

清谷水

自邠

州淳化縣流入耀州西又南逕涇陽三原二縣北
又東南至臨潼縣東北合漆沮水入渭亦曰清水
水經注五丈渠出雲陽縣石門山謂之清水東南
流至黃嶽山西又南入棣柎縣歷原南出謂之清

水口東南流入絕鄭渠又東南入高陵縣逕黃白城西本曲梁宮也南絕白渠曲而東流謂之曲梁水又東南逕高陵縣故城北東南絕白渠曲而東南入萬年縣謂之五丈渠又逕蕩原東東南流注於渭水長安志清谷河自華原縣界來經三原縣西南入白渠東溉民田又清渠在櫟陽縣西耀州界清治谷水下流也自高陵三原縣界來入白渠至縣界合渭水耀州志清谷水一名清河出州西北石門山麓南至小邱合環河南流經涇陽三原至臨潼之相橋入石川河涇陽縣志清谷河在縣北三十里從嵯峨山東麓出谷南流逕清涼原前至竇村折而西四里謂之靖川又折而南至辛管匯又南至三原縣謝家村與治水合三原縣志清河自耀州界來至縣西北十五里出谷口西南與治谷水合經縣北門外東流至臨潼界舊時堰水入白渠故蹟在縣西門外是時河淺故得入渠今

河視渠深三文餘不可復矣臨潼縣志清河在縣北六十里自三原界隨荆山東下至黑策橋轉而南至櫟陽故城復折而東至相橋與漆沮合流西南入渭按白氏六帖云高陵清白二渠交口置

斗門堰清水三分入白渠二分入清渠今此水自原東南入臨潼合漆沮水不復經高陵矣濁

谷水

源出耀州西南流入三原縣北水經注濁水上承雲陽縣東大黑泉東南流謂之濁谷水

又東南出原注鄭渠又東歷原經曲渠城北又東逕太上陵南原下北屈逕原東與沮水合長安志

濁谷河自西北華原縣界逕三原縣四十五里谷口有大堰其水東流溉民田禹貢錐指鄜元以濁

水為漆水宋人則以銅官川水來合沮水者為漆水耀州志濁谷水出州西北甲池堡南馬鞍口南

流三十里為竇泉河又南為涼泉河又南至三原縣樓底村曰樓底河又東過張村分數渠灌田至

耀州界來又東入臨潼縣其水峻急渾濁故名澗

谷水

在耀州西南長安志自華原西北焦岩村南流七十里入三原縣界州志澗谷河在州西

南十五里其水清見石子俗又名見底河自焦岩村東南過牛村名申家河又東南名魚池河又東

南入三原縣界漆沮水

漆水源出同官縣東北西南流逕耀州城東漆水自鄜州宜君縣流

入耀州西又東南與漆水合流入富平縣西又南至臨潼縣東北合清水入渭亦名石川水書禹貢

漆沮既從又導渭東過漆沮傳漆沮二水名亦曰洛水出馮翊北疏是漆沮在涇水之東與毛詩古

公自土漆沮者別水經注沮水西南逕宜君川世謂之宜君水又得黃嶽水口又東南流逕柽柳縣

故城西又南出土門山西又謂之沮水又東南歷土門南原下東逕懷德城南又東逕漢太上皇陵

北東注鄭渠又東濁水注焉分為二水一水東南出即濁水也至白渠與澤泉合俗謂之漆水又謂之柒沮水絕白渠東逕萬年縣故城北為櫟陽渠又南屈更名石川水又西南逕郭狼城西與白渠支渠合又南入於渭水其一水東出即沮水也東與澤泉合循鄭渠東注於洛魏書地形志萬年縣有漆沮水括地志沮水一名石川水源出富平縣東南入櫟陽長安志漆沮水在富平縣西北四十五里自華原縣界來入義亭脾陽豐潤三鄉通過又石川河在櫟陽縣東三十里自富平縣界來入縣境合渭水雍錄禹貢漆沮惟富平石川河正當其地他皆非也禹貢叙導渭漆沮在豐涇之下石川在豐涇東全與經應舊志漆沮水自耀州南合流入富平境通名為石川河東南過北陸原受北陸川水又南受薄臺川水又南受溫泉水又南合澗谷水又南流至臨潼東北相橋合清谷水又

南至交口入渭同官縣志漆水在縣東北五十里
源出北高山以其地多漆而名西南流合同官川
又南受雄同水又西南受富平水又西南入耀州
境其水善溢甚為邑患耀州志沮水自宜君界東
北來一出銀兒坪一出太子石俱西南至楊秀川
合流為宜君水南入同官境合諸水又南復入州
境為堰頭河又南始名沮水過錦陽川經州城西
循西乳山東會漆水合流入富平縣界又通名為
石川河新志漆沮水在富平縣南五里臨潼縣東
北八十里按漢時沮水由鄭渠入洛故洛水亦
有漆沮之名非謂漆沮即洛水
也諸家之說多誤詳見同州府銅官川水縣東北
亦曰同官川南流合漆水晉書太元九年苻堅擊
姚萇於趙氏塢萇軍中無井秦人塞安公泉堰銅
官川水以困萇水經注銅官水逕襍襍縣東南
流逕其城南原下而西南注宜君水窠宇記銅官

川在銅官縣北五十里長安志自坊州宜君縣界來經縣南流入華原縣界縣志同官川亦謂之同

水源出哭泉自縣北五十里南流至縣城東北與漆水合按銅官水在西漆水在東至縣東北合

流水經注止有銅官水寰宇記始雄同川水在同官縣

東北四十里長安志西南流合於銅官川又大石雷平川在縣西北五十里南流入銅官川水

盤水在同官縣東北五十里馬蘭山北州志大石盤水在縣東北三十里又有小石盤水在縣

北四十里循馬欄山而東合流入鄜州宜君縣界又長安志有烏泥川水在縣東二十五里入蒲城

縣界又漢井泉水在縣東北三十里南流入烏泥川縣志烏泥水在縣東北十五里源出車挽溝合

漢井水東流入蒲城縣舊志烏泥水源出鼃背山即白水之上源詳見同州府白水下樊河

在咸寧縣南史記樊噲傳噲灌廢邱最至櫟陽食邑杜之樊鄉三秦記長安正南秦嶺根水流為

秦川一名樊川水經注沈水上承皇子陂於樊川即杜之樊鄉也元和志樊川一名後寬川在萬年

縣南三十五里長安圖說樊川水碓河在臨潼縣今有華嚴寺人但謂之華嚴川西五里又

石澗河在縣西二里縣志水碓河源出縣西南五里碓子谷石澗河俗謂之冷水以別於溫泉也又

潼水在縣西半里源出驪山谷中北流入渭葡萄河在臨潼縣北發源

橋西流入白公河在鄠縣東亦稱白公河明萬厯漆沮水在縣中知縣呂仲信所開引檀谷泉

谷及阿姑泉諸水經縣東關北北折而西入潯水後知縣白應輝又鑿縣南栗谷直谷諸水為新河

引流入呂公河崇禎中知縣張宗孟重濬又引潯水自白雲山由天河村至南關外入新河及城濠

本朝康熙中知縣康如璉重濬

三里河

在鄠縣北自南澇店迤南引澇水至龍臺坊入

渭明末張宗孟開溉田三里因名

趙氏河

在三原縣東北上源曰澗谷河流至富平縣西

南入石川水一名金定河

曲河

在藍屋縣西五里其水亂泉合之北流入渭縣志縣西有曲泉

騰湧湍激數浸民田

乾溝河

在藍屋縣西南源出縣境翠鳳山東北流入渭

御宿川

在咸寧縣南漢書楊雄傳武帝廣開上林南至御宿昆吾又元后傳莽欲虞樂太后令夏游御宿鄠

杜之間顏師古注御宿在樊川西三輔黃圖御宿苑在長安城南御宿川中漢武帝為離宮別館禁

禦人不得入時來往游觀止宿其中故曰御宿元和志御宿川在萬年縣南三十七里長安志在縣

西南四十里

薄臺川

在富平縣南五里縣志縣西北十里有澗頭泉流徑懷德城入薄臺

川亦名薄臺河

大石谷澗

在富平縣東北長安志在美原縣北十五里又小石谷澗在縣

北十里勾谷澗在縣西北十五里三泉谷澗在縣西北三十里梁邱澗在縣西四十里耀州志二石

谷澗在王女山東即頻水源也縣志頻水甚微出山不一二里即涸

王渠

在府城北漢書王嘉

傳哀帝為董賢治大第開門向北闕引王渠灌園池注蘇林曰王渠官渠也猶今御溝晉灼曰渠名

在城東覆盎門外水經注沈水支渠上承沈水於章門西飛渠引水入城東為蒼池又東逕未央宮

桂宮間謂之明渠又東歷武庫北又東逕長樂宮北又東出城分為二渠即漢書所謂王渠者也逕

楊橋下側城北逕鄧艾漕渠

在府城南自昆明池祠西而北注渭今無水

所穿隋唐復開之史記河渠書元光中鄭當時為大農言異時關東漕粟從渭中上度六月而罷而

渠下民田萬餘頃又可得以溉天子以為然令齊人水工徐伯表發卒數萬人穿漕渠三歲而通以漕大便利其後漕稍多而渠下之民頗得以溉田水經注昆明故渠上承昆明池東口東逕河池陂北又東合沈水亦曰漕渠又東逕長安縣南東逕明堂南又東而北屈逕青門外與沈水支渠會分為二渠一水逕楊橋下北注渭其一渠東逕虎圈南而東入霸又明苑南又北分為二渠又此渠上流開六小渠又漕渠絕霸右出東逕霸城北又東逕子楚陵北又東逕新豐縣石會故渠上承霸水東北逕霸縣故城南又東北逕劉更始塚西又東逕新豐縣又合漕渠漢大司農鄭當時所開也今源自昆明池南傍山原東至於河且田且漕大以為便隋書食貨志開皇四年命宇文愷率水工鑿渠引渭水自大興城東至潼關三百餘里名曰廣通渠唐書地理志天寶二年尹韓朝宗引渭水

入金光門置潭於西市以貯財木大歷元年尹黎幹自南山開漕渠抵景風延喜門入苑以漕炭薪又食貨志開元中長安令韋堅兼水陸運使治漢隋運渠起闕門抵長安通山東租賦乃絕灞澇並渭而東至永豐倉與渭合又於長樂陂瀕苑墻鑿潭於望春樓下以聚漕舟賜其潭名廣運潭長安志漕河在長安縣南十五里自萬年縣界來逕縣界五里入渭武宗元光六年穿又黎幹所鑿渠逕京兆府直東至薦福寺東街北至國子監正東至子城東街並逾景風延喜門入苑又漕渠在渭南縣北一里自臨潼清明渠在長安縣西南由咸寧縣來入鄭縣界

在大安坊開皇初引沈水西北流入城經大社尚食局將作監內侍省而入宮城長安志長安縣清明渠東南自萬年縣界流入西北流又屈而東北流入京城玉海清明渠導交水自大安坊東街入

城由皇城入太極宮

清渠

在長安縣西長安志在縣西五十里自鄠縣界來經縣界十里入渭

又漆渠在縣西二十里舊自縣之坑河分水經縣界二十里入漕河括地志曰胡亥運南山之漆而

開此

永安渠

在長安縣西長安志永安渠隋開皇三年開在縣南引交水西北入城經

西市入苑坑水自南入焉由福堰下分為二水流一里一水合交水一水西北流為永安瀆玉海永

安渠自城南導交水從大安坊西街入城北流入苑注於渭

永通渠

在長安縣西北長安

志隋開皇四年開起縣西北渭水興城堰初名富渠仁壽四年改名永通

龍首渠

在長安縣

東北由咸寧縣流入長安志龍首渠一名瀝水渠隋開皇三年自東南龍首堰下分支瀝水北流至

長樂坡西北分為二渠東北流入苑西渠屈而西南流經通化門南西流入城經永嘉坊又西南流

經興慶宮又西流經勝業坊崇仁坊景龍觀又西入皇城逕少府監南屈而北流又逕都水監太僕寺內坊之西又北流出城宋史陳堯咨傳長安地斥鹵無甘泉堯咨疏龍首渠注城中民利之玉海唐時導水入城之渠有三一曰龍首渠二曰永安渠三曰清明渠明史河渠志洪武十二年李文忠言陝西病鹹鹵請穿渠城中逕引龍首渠東注從其請甃以石天順八年都御史項忠以龍首渠引水七十里修築不易城東西南皂河去城一舍許鑿令引水與龍首渠會咸寧縣志龍首渠本朝康熙六年通濟渠在長安縣西南明成化初知府余子俊以龍首舊渠壅塞於丈八溝造石閘鑿渠引交皂二水西流轉東至府西入城分為三渠其水清甘民皆取給本朝康熙六年復黃渠在咸寧縣南長安志在萬寧縣南通善坊自義谷口分水入此渠北流十里分為兩

渠一東北流入庫谷水一西流入樊川灌溉
稻田西流入坑河縣志黃渠在龍首渠南 **興成**

渠

在咸陽縣西唐書食貨志秦漢時故漕興成堰
東達永豐倉太和初咸陽令韓遼請疏之自咸

陽抵潼關三百里堰城龍輓車之牛以供農耕關
中賴其利長安志興成渠在縣西十八里縣志今

堙 **成國故渠**

在咸陽縣北故道自乾州武功縣流
入興平縣北又至縣境入渭水水經

注成國故渠東逕郿及武功槐里縣北又東逕茂
陽縣故城南又東逕龍泉北又東逕姜原北又東

逕平陵縣故城南又東逕寶嬰冢南又東逕延陵
渭陵義陵安陵南又東逕渭城北又東逕長陵南

又東逕周勃冢南又東逕漢景帝陵南又東南注
渭今無水長安志成國渠在興平縣北一里西自

武功縣流入縣界凡六十里溉田二百四十餘頃
東流入咸陽縣界按唐李石記咸通十三年京兆

府奉修六門堰畢其渠合韋川莫谷香谷武安四水溉武功興平咸陽高陵等縣田二萬餘頃俗號渭白渠言其利與涇白相上下又曰成國渠魏時僕射衛臻征蜀開以溉田大統十三年始築堰置六斗門以節水貞觀中役九州夫匠始就其功永徽四年右僕射于志寧治之聖歷中稷州刺史張知謩修焉咸通十一年咸陽縣民薄遠等上言六門淤塞請假錢以為修堰費乃詔借內藏錢以充令本縣官專之記役凡

昇原渠

在興平縣南長安志在縣南十五里

西自武功縣流入縣界凡六十里溉田七十餘頃東流入咸陽唐垂拱初運岐隴米今涸又普濟渠在縣南十里自武功縣流入縣界凡六十里溉田七十餘頃東流入咸陽今涸

鄭白渠

在

陽縣西北鄭渠故道自縣西北仲山下分涇水東流歷今三原富平蒲城諸縣界入於洛久廢白渠

自鄭渠北鑿南岸分涇水東南歷高陵櫟陽注於渭自北而南分為太白中白南白三渠宋大觀中於白渠北鑿豐利渠元於豐利渠北鑿石渠名王御史渠皆引涇水分注涇陽三原醴泉高陵臨潼諸縣統名涇渠史記河渠書韓聞秦之好興事欲罷之無令東伐迺使水工鄭國間說秦令鑿涇水自中山西抵瓠口為渠並北山東注洛三百餘里欲以溉田中作而覺秦欲殺鄭國鄭國曰始臣為問然渠成亦秦之利也秦以為然卒使就築渠成用注填閼之水溉鵽鹵之地四萬餘頃收皆畝一鍾於是閼中為沃野無凶年因名曰鄭國渠漢書溝洫志大始二年趙中大夫白公奏穿渠引涇水首起谷口尾入櫟陽注渭中袤二百里溉田四千五百餘頃因名曰白渠民得其饒歌之曰田於何所池陽谷口鄭國在前白渠起後舉苗為雲決渠為雨涇水一石其泥數斗且溉且糞長我禾黍衣

食京師億萬之口水經注鄭渠首上承涇水於中山西瓠口其瀆東逕宜秋城北又東逕中山南又東逕捨車宮南絕冶谷水又東逕截薛山南池陽縣故城北又東絕清水又東逕北原下濁水注焉又東逕曲陽城北又東逕太上陵南原下北屈逕原東與沮水合白渠起谷口出於鄭渠南東逕宜春城南又東南逕池陽地北枝瀆出焉東原逕竊原下逕彰縣故城北東南入渭白渠又東枝渠出焉東南逕高陵縣故城北又東逕櫟陽城北白渠又東逕秦孝公陵北又東南逕居陵城北蓮芍城南又東注金氏陂又東南注於渭元和志太白渠在涇陽縣東北十里中白渠首受太白渠東流入高陵縣界南白渠首受中白渠東南流亦入高陵界唐書地理志雲陽有古鄭白渠又高陵有古白渠寶曆元年令劉仁師請更水道渠成名曰劉公堰曰彭城長安志白渠在涇陽縣西北六十里西

自雲陽縣來東入高陵縣界十道志曰太白中白南白謂之三白渠也渠上斗門四十八三限口在縣東北分南北三渠處又高陵縣白渠自涇陽縣界三限下中限為一渠流至彭城堰下分為四渠中南渠高望渠東西俱長三十五里禍南渠東西長四十里中白渠東西長三十里又櫟陽縣五渠自高陵縣北下並入渭水從北第一曰中白第二曰析波第三曰中南第四曰高望第五曰禍南宋史河渠志至道初度支判官梁鼎陳堯叟上鄭白渠利害詔皇甫選何亮經度還言鄭渠並仲山而東鑿斷岡阜首尾三百餘里連亘山足岸壁頽壞堙廢已久實難致力三白渠既涇陽櫟陽高陵雲陽三原富平六縣田三千八百五十餘頃望令增築堤堰以固護之舊設節水斗門一百七十有六皆壞請悉繕完渠口舊有六石門謂之洪門今亦潰圯且就近別開渠口以通水道涇河中舊有石

堰修廣皆百步廢壞已久欲令自今修之詔行之
未幾罷景德三年太常博士尚賓經度鄭白渠自
介公廟迴白渠洪口直東南合舊渠以畎涇河灌
富平櫟陽高陵等縣水利饒足民獲數倍熙寧五
年提舉常平楊蟠議修鄭白渠詔都水丞周良儒
相視乃自石門堰涇水開新渠至三限口以合白
渠宋侯蒙開石渠記熙寧間嘗自仲山旁鑿石渠
引涇水東南與小鄭泉會下流合白渠大觀元年
詔提舉常平趙佺董其事明年土渠成袤四千一
百二十丈南與故渠合又明年石渠成袤三千一
百四十一尺南與土渠接又度渠之北地勢高峻
通竇以防漲水凡溉七縣田二萬五千九十三頃
賜名曰豐利渠元史河渠志自唐宋於仲山下築
洪堰改涇水入白渠分為三北限入山原櫟陽雲
陽中限入高陵南限入涇陽溉田七萬餘畝元至
元間立屯田府督治之至大元年西臺御史王瑯

建言於宋豐利渠上更開石渠五十丈延祐元年
興工至五年渠成改堰至新口長安圖說元因前
代故迹初修洪口石堰當河中流直抵兩岸立石
固以壅水東西長八百五十丈自洪口下七十里
為三限閘以分水其北曰太白渠中曰中白渠南
曰南白渠太白之下是為邢堰邢堰之上渠分為
二北曰務高渠南曰平高渠自三限閘下二十里
為彭城閘其渠分為四北曰中白渠南曰中南渠
又南曰高望渠又南曰隅南渠中南之下其北分
者曰析波渠其南分者曰昌運渠凡渠不能出水
則改而通之立斗門以均水總為斗一百三十有
五舊志明洪武八年命耿炳文濬洪口堰溉涇陽
三原醴泉高陵臨潼田二百餘里

龍洞渠

在涇陽縣北六

十里明成化初巡撫項忠於元時王御史石渠之
北鑿小龍山大龍山腹里許為洞下屬白渠名曰

廣惠渠功鉅費廣歷余于俊阮勤幾二十年始踵成之正德中巡撫蕭紳又鑿石渠四十二丈名通

濟渠 本朝順治九年康熙

八年凡兩修雍正五年奉

命

發帑興修自上流開鑿龍洞中濬三白渠下至臨潼重

築堤堰改建斗門七年又移西安通判駐王家鎮

專董其事由是水利盡復灌既饒足渠自仲山鑿

龍洞引泉東流會篩珠洞泉又東會瓊珠洞泉又

東會倒流泉又東歷大小梯子崖天元渠又東至

王御史口又東會大小諸泉過馬道橋出山就平

陸開渠灌田首為王屋四斗此四斗與醴泉縣分

灌下則專灌涇陽又東為張房雙槐等斗門二十

三又東為三限閘俗名三渠口北限為北白渠從

閘分水東北流北岸斗門三南岸斗門二又東北

流入三原縣界中限為中白渠乃龍洞正支東流

南北岸斗門六又東為高陵縣之彭城閘下限為

下白渠東南流南岸斗門五皆在涇陽界其北白渠入三原界者東流經縣南入東關又出城東北逕馬家高家等堡至大召村而止在高陵界者彭城閘北為中白渠斗門二十二閘南曰中南渠斗門十四南流五里又分二渠東南曰高望渠斗門十二西南曰禍南渠斗門五中南渠又南至張市里復分二渠北曰析波渠今廢南曰昌運渠斗門三流至縣東五里墨張村而止凡灌涇陽醴泉三原高陵四縣田七萬四千二十餘畝

六輔渠

在涇陽縣西北及三原縣北界漢書溝洫志元

鼎六年兒寬為左內史奏請穿鑿六輔渠以益溉鄭國旁高仰之田注師古曰在鄭國渠之裏今尚謂之輔渠亦曰六渠元和志初鄭國引涇水置渠後兒寬又穿六輔渠今雲陽與三原界水道小渠猶有在者涇陽縣志即治清渠在涇縣西北鄭白今清治二水所分之渠渠北因其地高仰

涇水不及故引清治二水為渠治谷水渠十二始
於治谷內二里許傍北山鑿一渠出口曰上王公
渠稍下曰磨渠磨渠東六七里曰下王公渠又東
三里曰上北泗渠又東五里曰下北泗渠又東四
里曰仙里渠皆溉河北之田下王公渠對岸稍東
曰天津渠東六七里曰高門渠又東六里曰廣利
渠又東四里曰海西渠又東四里曰海河渠皆溉
河南之田明弘治初知縣暢亨又於上王公渠上
流分一渠曰暢公渠清谷水為渠五自耀州流入
三原縣界毛坊里始於北岸堰水曰毛坊渠析南
流出谷口於西岸旁清涼原開一渠曰原成渠自
原成而下三里許東岸曰公進渠又下十丈許曰
下五渠又十丈許曰木漲渠此五渠惟毛坊專溉
三原原成專溉涇陽其三渠上流在涇陽下流入
三原共溉田七萬餘畝而下五渠
渠斗門凡二十三所溉尤多
靈軹故渠 在盤屋
縣北史

記河渠書關中輔渠靈軹引堵水漢書地理志藍屋有靈軹渠武帝穿水經注盤屋縣北有蒙籠原

上承渭水於郿縣東逕武功縣為成林源又東逕縣北亦曰靈軹源舊志靈軹渠在故上林苑中又

長安志有漆渠在縣南五里今俱埋讓泉渠在盤屋縣東二十五里引葦源泉水溉田二千

餘畝其北有龍灣渠又赤谷渠在縣東南四十五里引赤谷水溉田東磨渠西磨渠皆在縣東南五

十里引耿谷水溉田興隆渠在縣西南三十五里即廣濟渠支流也偃武渠在富平

長安志在富平縣西北四十五里溉田八里又白馬渠在縣西北四十里長澤渠在縣西北三十里

皆溉田十五里高望渠在縣西北二十五里溉田三里相近有石水渠溉田十里順陽渠溉田十二

里文昌渠在縣西北十七里溉田十里陽渠在縣西南二十八里溉田十五里皆引漆沮河水新志

富平之水灌田最多者漆沮也東岸自北而來首
曰官渠一名判官渠次曰文昌渠又南為通鎮渠
又南為永濟渠又南為實惠渠自在渠永興渠新
渠順陽渠又南為石水渠又南為永順渠廣濟渠
永豐渠溢水渠遺愛渠千年渠水至此自南而東
流為陽九渠即長安志之陽渠也在西岸者最北
曰偃武渠又南為中渠皆兼引梁家泉水又南為
小白馬渠又南為犬白馬渠又南為永興渠洞子
渠又南為河西廣濟渠本朝雍正三年開又南
為永壽渠又南為長澤渠並在漆沮左右按長
安志有高望渠今無此又長安圖志載石川河東
岸渠七曰判官楊家文相永濟石水閭渠陽九西
岸渠六曰偃武白馬長澤西長澤東高望陽陵保
今惟判官永濟石水楊家偃武白馬長澤仍舊名
餘皆
異直城渠在富平縣西十五里長安志在富平
縣西南三十里引漆沮河水溉田二

十里縣志直城渠引溫泉水東抵縣西北城濠又南為懷德渠支分為順城渠又東為團田渠皆引

溫泉澤多二水又有順陽渠在縣北頻山下本無水每天雨山水暴至引以灌田又玉帶渠倒迴渠

在縣北灌田百餘里**烟霧渠**在耀州西北沮水渠也州志沮

霧渠又南為甘家中渠又南為義渠通城渠又南為通澗渠水磨渠又南至州城西為越城渠又奉

水至州城東南**強公渠**在耀州西南唐書華原無泉雍州司士叅軍強循令

民鑿渠以浸田號強公渠今廢**昆明池**在長安縣西南漢書武帝紀元狩三年發謫吏穿昆

明池注臣瓚曰西南夷傳有越雋昆明國有滇池方三百里漢使求身毒國而為昆明所閉今欲伐

之故作昆明池象之以習水戰在長安西南周圍四十里西京雜記昆明池刻石為鯨魚每雷雨常

鳴吼鬣尾皆動漢世祭之以祈雨往往有驗三輔
故事池地三百三十二頃中有豫章臺漢宮闕疏
昆明有二石人牽牛織女象水經注昆明池水上
承交水於昆明臺北逕鑄京東秦阿房宮西又屈
而逕其北東北流注竭水陂魏書世祖紀太平真
君元年浚昆明池長安志昆明池至秦姚興時竭
唐德宗貞元十三年命京兆尹韓皋浚之追尋漢
制引交河澧水合流入池在長安縣西二十里今
為民田又石闔堰在縣西南三十二里水經注曰
交水西至石碣漢武帝穿昆明池所造通鑑注武
帝作石闔堰堰交水為昆明池池基高故其下流
尚可壅激以為都城之用於是並城疏列三派城
內外皆賴之唐太和後堰廢而昆明涸
縣志在縣西南三十里地名鵲鵲莊

定昆池

長

安縣西南唐景龍文館記安樂公主西莊在京城
西延平門外二十里司農卿趙履溫種植將作大

匠楊務廉引流鑿治延袤十數里時號定昆池唐書安樂公主傳嘗請昆明池為私沼帝曰先帝未有以與人者主不悅自鑿定昆池言可抗訂之也張鷟朝野僉載定昆池方四十九里直抵南山長安志在縣西南十五里又鶴池在曲江池在咸寧縣西十里盤池在縣西北二十里曲江池在咸寧縣東南十里司馬相如哀二世賦臨曲江之隄州括地志曲江在杜陵西北五里康駢劇談錄曲江池本秦時隄州開元中疏鑿為勝景南有紫雲樓芙蓉苑西有杏園慈恩寺花卉環周烟水明媚都人遊玩盛於中和上巳之節賜宴臣僚會於山亭賜太常教坊樂池備綵舟惟宰相三使北省官與翰林學士登馬窠宇記曲江池漢武帝所造名為宜春苑其水曲折有似廣陵之江故名之韋述記云漢為樂遊苑於曲江池及世祖以為校文之所唐以秀士每年登科第賜宴於此蓋不忘校文之義也長

安志皇城東南昇道坊龍華尼寺南有流水屈曲
謂之曲江其深處下不見底雍錄曲江水會黃渠
自城外南來隋世遂包之入城為芙蓉渠且為芙
蓉園也劉餗曰本古曲江文帝改名芙蓉漢時周
六里餘唐時周七龍池在咸寧縣東南名隆慶池
里今且堙為平陸又名九龍池唐實錄則天
時長安城東隅民王純家井溢浸成大池數十頃
號隆慶池相王子五王立第於其北望氣者言有
帝王氣景龍二年幸龍慶池以厭之長安志龍池
本平地垂拱初成小池後引龍首渠支分既之日
以滋廣至景龍中彌亘數頃澄澹皎潔深至數丈
常有雲氣或見黃龍出其中因謂之龍池俗呼五
王百子池今雍人相傳呼為景龍池又曰九龍池
在萬年縣東十五里九曲池在其西縣志九曲池
唐開元中蓮池在高陵縣治東偏元至元中縣
寧王所鑿令王珪引昌運渠水注之今廢冰

池

在藍田縣東南六十里長安志唐鑿冰之所又淹池在縣東北三十五里仰天池在

厓縣東觀谷東又仰天池在縣東南四十五里南山絕頂廣二畝餘水深數尺冬夏不竭靈池

在渭南縣東南二十五里長安志後魏永熙元年水自湧出成池周八十里麻池在醴泉縣

東五十里又縣東南十五里有秋池水深而清禱雨輒應丈八溝在長安縣西

禮遊城南記下杜城之西有丈八溝即杜子美陪諸公子納涼之地滴水上源也縣志今城中通濟

渠水從雁鶩陂在長安縣西南寰宇記雁鶩池地此分入雁鶩陂方六頃承昆明下流在鎬池北沈

約詩云東出千金河池陂在長安縣西南水經注堰西臨雁鶩陂昆明故渠東逕河池陂

而北亦曰洛女陂在咸寧縣東寰宇記在萬年縣女觀陂東十五里三輔舊事云洛女塚

南有洛陂俗號曰洛女陂

皇子陂

在咸寧縣南水經注沈水上承皇子陂於樊川寰宇記皇

子陂在啓夏門南三十里陂北原上有秦皇子塚因以名之隋文改為永安陂周迴九里長安志永

安陂在萬年縣南二十五里縣志又有鮑陂在縣南鳳樓原東南隋書高祖紀開皇九年改鮑陂曰

杜陂
豐潤陂

在咸寧縣東北寰宇記在萬年縣西北二十五里周太祖名為中都陂隋

初為豐潤陂周迴六里

蘭池陂

在咸陽縣東史記秦始皇本紀三十一年始皇為微行咸

陽夜出逢蘭池盜後漢書郡國志長安有蘭池注三秦記曰始皇引渭水為長池東西二百里南北

二十里刻石為鯨魚長二百丈括地志蘭池陂即古之蘭池在咸陽界元和志蘭池陂在縣東二十

五里
周氏陂

在咸陽縣東南水經注成國故渠逕周勃塚南渠東南謂之周氏曲長安圖周

氏曲在咸陽東南三十里今名周氏坡寰宇記周氏陂周迴十三里漢太尉周勃塚在陂其子亞夫

有功遂賜此陂故地以氏稱之清泉陂在臨潼縣北元和志在櫟陽縣西南十里多水族之

利美陂在鄠縣西水經注漢陂水出宜春觀北東北流注滂水長安志漢陂在縣西五里出

終南山諸谷合胡公泉為陂十道志曰本五味陂陂名甚美因誤名之其周十四里寶歷二年勅漢

陂令尚食使收管不得雜人採捕其水任百姓灌漑勿令廢碾磑之用文宗初詔並還府縣通志元

末游兵決水取魚水去而陂涸為田縣志陂在縣西三里明崇禎九年重加障築龍泉陂

在涇陽縣南三里見元和志陂周迴六里多蒲魚之利金氏陂在渭南縣東北水經注白

渠又東注金氏陂唐書地理志下邳縣東南二十里有金氏二陂武德二年引白渠水灌之以置監

屯窠宇記輿地志云漢昭帝時車騎將軍金日磾有功賜其地三輔決錄云金本下邳人今陂久廢

即渠西廢陂是也唐初引白渠入陂復曰金氏陂貞觀三年陂側置金氏監十二年監廢其田賜王

公古云此陂水滿即關內豐熟西又有金氏陂俗號曰東陂南有月陂形似月也亦名金氏陂馬

牧澤

在興平縣東南二十里見元和志南北廣四里東西二十一里長安志四馬務在縣東南

二十餘里從東第一曰飛龍務次大馬務次小馬務次羊澤務凡三百七十一頃南渡渭河慶厯中

為營田尋罷之其後民占百頃澤在興平縣西亦佃簿籍亡散不復歸有司百頃澤曰百頃泊元和

志百頃澤在縣西二十五里多蒲魚之利周迴十六里又長安志宋泊在縣西二十里周十四里曲

泊在縣西南十五里百頃泊而下並有蒲魚之利隋開皇十三年各築堤防護縣志諸泊皆渭水所

溢今

煮鹽澤

在臨潼縣北元和志在櫟陽縣南十五里澤多鹽鹵符秦時於此煮鹽周

迴二十里縣志澤

八部澤

在鄠縣東南元和志在縣東南五里周迴五十

里長安志在縣

龍臺澤

在鄠縣東北元和志在鄠縣東北三十里周二十五

里有馬祖壇在澤中每年太常太僕四時祭之冢宇記龍臺澤一名觀水在灋水西北近渭上林賦

云登龍

焦獲澤

在涇陽縣西北詩小雅整居焦獲爾雅釋地十藪周有焦獲注今扶

風池陽縣瓠中是水經注中山西瓠口所謂瓠中也括地志焦瓠數亦名瓠口亦曰瓠中在涇陽縣

城北數十里縣志在縣西北六十里谷口下涇水出仲山東南流兩岸阻大原中行為川其形如瓠

王尚澤

在涇陽縣

鹵薄灘

在富平縣東二十里接蒲城界一名東灘亦曰

明水灘冬夏不竭可以煮鹽又臧村灘在縣西二十里亦名西灘在旱時其土亦可煮鹽按魏書

地形志頻陽有鹽池元和志鹽池澤在富平縣東南二十五里周迴二十里蓋即今鹵薄灘也滿

地樂

在鄠縣東北長安志在縣東北二十八里周三里即瀉水上源東北流入長安縣界按縣

志有海子在縣東北秦渡鎮北烟水迴環方塘數畝相傳即文王靈沼黃金泊在涇陽縣

東北窠宇記在雲陽東北十里縣志在今縣東北三十里嵯峨山南大石仙里界之北仙遊

潭

在藍屋縣南長安志在縣南三十里濶二丈其水黑色相傳號五龍潭每歲降中使投金龍以

祀之縣志仙遊潭歲早禱雨多應潭上有石壁峭絕宋蘇軾章惇遊此惇履險而上以漆墨書名於

石今謂之蘇章石壁又長安志有仙遊萬壽渦在縣東南十五里周十二里今淤

南縣北窠宇記在下邳縣南四十里古來此渦或興霧起雲時有牛馬猪羊變見形狀遊沙渚還入

其渦今龍移湫在咸寧縣南炭谷內一名南山湫無水相傳湫初在平地一夕風雷移於

山上韓愈有炭湧珠泉在咸寧縣東南白鹿半原谷湫祠堂詩方廣數丈水湧如珠自巖

而下瀉鳴犢泉在咸寧縣南六十里長安志鳴犢為瀑布鳴犢泉鎮西原下有鳴犢泉俗傳因犢跑

鳴而得泉竇氏泉在咸陽縣西北魏書地形志石安有得泉竇氏泉水經注成國故渠逕平陵故

城南渠南馬跑泉在咸陽縣西長安志在縣西北二有竇氏泉馬跑泉十五里又李村泉在縣西北八

里下村泉在縣西北十五里縣志三泉共溉田八頃餘玉女泉在興平縣東五里靈

寶泉在興平縣東南長安志在縣東南二十里周數十步深不可測舊圖經曰漢時邊韶得靈

寶符於此泉後祈請有應因名又醴泉在縣東南二十里周數十步又圖經曰在扶風鄉唐貞觀十二年自然湧出其味甚如醴飲之愈疾

清水泉

在興平縣南十五里一名水濟泉水味甘

凡十餘里今廢

板橋泉

在興平縣西北魏書地形志槐里有板橋泉長安志在縣西北十七

里深百尺流入白渠舊志在縣西二十里有東西二泉皆溉田

馬嵬泉

在興平縣西二十五

里溉田二十餘頃長安志在縣西二十里有東西二泉深百尺流入白渠

龍泉

在興平縣東北

魏書地形志始平有溫泉水經注成國故渠東逕龍泉北今人謂之溫泉非也長安志龍泉亦名溫

泉又名姜子泉在縣西十七里周數十步深不可測又涇龍泉新泉相去十餘步在縣西十七里周

數十步流

驪山溫泉

在臨潼縣南驪山下漢武故事驪山湯初始皇砌石起宇

入白渠

至漢武又加修飾水經注魚池水之西南有溫泉
世以療疾張衡溫泉賦序曰余出驪山觀溫泉浴
神井嘉洪澤之普施乃為之賦隋書地理志新豐
有溫泉唐書地理志天寶六載更溫泉宮曰華清
宮治湯井為池環山列宮室又築羅城置百司及
十宅窠宇記溫泉在驪山之西北按泉有三其一
所即皇堂石井周武帝天和四年大冢宰宇文護
所造隋文帝列樹松柏唐開元十年置溫泉宮明
皇歲常幸焉長安志溫泉在縣南一百五十步御
湯在九龍殿亦曰蓮花湯又玉女殿有星辰湯津
陽門詩注曰宮內除供奉兩湯外內外更有湯十
六所長湯每賜諸嬪御其修廣與諸湯不侔甃以
文瑤寶石中央有玉蓮捧湯噴以成池次西曰太
子湯又次西少陽湯又次西尚食湯又次西宜春
湯又次西長湯十六所今惟太子少陽二湯存焉
胡仔茗溪漁隱叢話湯泉多作硫黃氣惟驪山是

響石泉並無此氣縣志今溫泉仍分作數池發源處為玉女池在玉女殿北即長安志所云星辰湯

也殿前西北牆外為玉女洗頭池方五丈其北為官池甃石如玉環官池東為混池又有女池在洗

頭池西諸池皆與玉女石塔泉在臨潼縣南驪山池同源而女池獨異上又飲鹿泉在長

生殿中一名飲鹿槽又森澄泉在臨潼縣西南長丹霞泉在老母殿西南安志在縣西南五

里又鳴犢泉阿姑泉在臨潼縣東北二十五里又里又鳴犢泉阿姑泉在縣東北三十五里

平泉在縣東五十里皆有灌溉之利又有沒豬泉阿姑泉在鄠縣南十里下流入呂公河

在鄠縣東南長安志泉源澄湛俗傳昔有野豬沒而為泉旁有禹廟縣志在縣東南二十里孫谷村

說田甚廣又冷泉在縣東南雙莊白胡公泉在鄠沙泉在縣西南之割耳莊皆可溉田縣西

南十里丈人村東流溉田
五百餘畝下流入澇水
石門湯泉
在藍田縣西縣志石門泉

在藍田縣西十里石門谷中舊圖經曰唐初有異
僧止於此大雪其地雪融不積僧曰必溫泉也掘
之果有湯泉湧出遂置舍兩區凡有病者浴多痊
嗣後有白魚之瑞復有神女頻降遂立玉女堂於
湯側明皇時賜名大興湯院縣志石門俗名
神女泉又湯泉不一地故別曰石門湯泉
咽泉

泉
在藍田縣西北十五里見長安志舊圖經曰唐
李筌於此遇驪山老母說陰符經傳教既畢攜

瓠就泉汲水已失老母因名咽瓠泉又
鄭泉
在藍田縣北四十里泉畔舊有桂一枝
陽縣

西北寰宇記在雲陽縣西四十里雲陽宮記漢鄭
子真隱於谷口時人因子真所居名其泉為鄭泉

五龍泉
在三原縣東北五龍村池方里許五泉合
流居民引以溉田或以為即隋志雲陽之

泉 神泉 在三原縣東北五龍村一名白馬泉 陰

陽泉 在盤屋縣東三十里歲將旱 六耳泉 在盤屋縣東耿

谷東五里通志舊有 化女泉 在盤屋縣東南三十里今惟存其一 里縣志俗傳老子植

杖化一女子以試弟子徐甲旣而拔杖泉湧因名 又長安志有鹹泉亦在縣東南三十里周三里今

淤不 永女泉 在盤屋縣西七里長安志在盤屋縣 知處 西南五里縣志亦作湧泉久塞後浚

為小泉類井又馬跑泉在安樂山玉女泉在倉 谷東文王廟相傳與岐山文王廟水相為消長 沒

底泉 在盤屋縣北長安志在縣北一里又白龍泉 在縣東北一里皆北流入渭縣志沒底泉或

訛為莫 甘泉 在渭南縣東門外長安志在渭南縣 店泉 城內縣志又蔡泉在城東謂之魏王

井亦名
蔡順井 梁泉

在渭南縣東南長安志在縣東南一百五步又姜泉在縣城內縣志龍尾

坡底東西各有泉東曰梁泉西曰姜泉
東西遵龍尾坡之麓舊有瀉水渠今廢 瑞泉

在渭南縣

南五里縣志龍尾坡之半有泉湧出懸流如練曰
瑞泉每旱取水禱雨多應又有龍泉在縣西南粘

砭坡東麓民資以灌溉其西南有靈
源泉其地即西魏置靈源縣處也

鹹泉

在富平縣東裏

宇記在縣東南五里縣志在縣
東十里舊時水鹹今味可飲

白馬泉

在富平縣東二十里

長安志在縣東十里縣志其水東流
與龍泉合又東五里即鹵薄灘也

醴泉

在醴泉縣東南

三十里周迴數十步深
不可測味如醴今廢

靈泉

在同官縣西北三里金山西岩自石罅口

湧出旱禱有應又亭子
泉柏榆泉皆在縣境

御井

在咸寧縣南善和坊李肇唐國史補善和

坊舊御井故老云此不可飲之水地卑水柔宜用
鹽濯開元中日以駱駝數十馱入內以給六宮又

高陵縣志縣西十里唐高祖舊宅中有舊井今埋
冰井在咸寧縣西一里許水寒如冰故名

又有冰井在縣南太乙山其冰經暑不消
耿井在興平縣西三里耿祠鄉長安志唐貞元五年

自然湧出有疾者飲之多愈遠近取汲朝夕如市
喝牛井在臨潼縣東北七里官道長安


志井旁有還道蟾井在臨潼縣驪山白鹿觀縣志
縈繞及於水次拾遺云井中有金色蝦蟆賀

蘭先生見之曰此肉芝也烹而食之白日升天
丹陽井在鄠縣東三十里相傳元道士馬丹

陽取此水煉藥故名玉漿井在藍田縣東南石井深丈餘無
水相傳有病者虔禱之懸瓶井

中即得水色白味甘如玉漿飲之輒愈
金井在藍屋縣南三十里明統志俗傳唐太宗嘗飲

水



欽定大清一統志卷一百七十八